

四庫全書

子部

欽定四庫全書

子部

記纂淵海卷九十四至

六

詳校官中書臣涂日煥

主事臣祁韻士覆勘

總校官降調編修臣倉聖脉

校對官中書臣王家賓

謄錄監生臣朱連傑

欽定四庫全書

記纂淵海卷九十四

宋 潘自牧 撰

草部

草

經天地變化草木蕃

易

兗州厥草惟繇

徐州草木漸

包

揚州厥草惟夭庶草蕃廡

書

野有蔓草零露漙漙

蓼彼蕭斯零露漙漙兮湛湛露斯在彼豐草周家忠厚

仁及草木

詩

園圃毓草木

春始生而萌之夏日至而

夷之秋繩而芟之冬日至而耜之

禮周

草木零落然後入

山林

孟春草木萌動

季春生氣方盛勾者畢出萌

者盡達

孟夏靡草死

季夏大雨時行燒薙行水利

以殺草

季秋草木黃落

禮記

為國家者見惡如農夫之

務去草焉芟夷蘊崇之絕其本根勿使能殖無使滋

蔓蔓難圖

一薰一蕕十年尚猶有臭

松栢之下其

草不殖

左傳

子草木暢茂

孟

逮至衰世草木之勾萌銜華佩實而不

死者不可勝數

淮南子

展禽曰春風鼓百草敷樹吾不知

其茂秋霜降百草零落吾不知其枯

符子

史元帝永光二年天雨草葉相糾結如彈丸

漢書

靈帝中

平元年東郡陳留濟陽長垣濟陰諸縣界有草生莖其

大如指狀似鳩爵龍蛇鳥獸之形五色各如其毛羽頭

目足翅皆具

續漢書

宕昌羌俗無文字但候草榮落以記

歲時

後周書

傳記草卉也木謂之華草謂之榮不榮而實者謂之秀

榮而不實者謂之英

爾雅

草盛曰莽木茂曰葆

風俗通

凡生

草而初達謂之萑萑小也茨杜根也齊東曰杜或曰茨

方

言堯時有屈佞草佞人入朝則屈而指之又名指佞草

博物志

魏興錫義山多生薇蘅草其草有風不掩無風獨

搖水經

魯城北孔子塋中不生刺人草木

金樓子

生而無識

者草木是也

古今注

秦皇時大宛中多枉死者橫道有烏

如烏銜草以覆死人面遂活鬼谷先生曰此草是組洲

不死草也生瓊田中亦名養神芝 東華夫人宮中有

異草葉如芭蕉花正黃色光可鑑日此金明草也

廣記

東

方朔曰臣有吉雲草種於九景山東二千歲一花臣種
一千九百九十九年矣明年應生臣走往刈之以飼馬馬

食不饑帝許之朔平旦去至暮而返背負數束其形葉

似麥而金色剉以飼馬即不覺饑 甜溪水如蜜瑤琨

有碧草如麥剉之以釀則味如酒而釀烈飲一合則三

旬不醒飲甜水則隨飲隨醒也

洞冥記

不其城東有鄭玄

教授山山下生草如薤葉土人名作康成書帶

三齊畧記

席

萁一名塞盧生湖北地古詩云千里席萁草 秦趙間

有相思草狀若石竹而節節相續一名斷腸草又名愁

婦草亦名孀草人呼為寡婦莎述異記 太極山西有采華

之草服之乃通萬里之言括地圖 太原晉陽已北生屏風

草 天姥曰太陽之草名曰黃精餌而食之可以長生

太陰之草名曰鈎吻入口立死 海上有節草其實食

之如大麥名曰自然穀或曰禹餘糧博物志 霍山上有神

草四十三種靈山記 壽榮草出少室金山丘下服之令人

不老

典術

餌玉長生草一名通天日再服之令人得仙歲

欲豐甘草先生甘草者齊也歲欲儉苦草先生苦草者

葶藶也歲欲惡惡草先生惡草者水藻也歲欲旱旱草

先生旱草者蒺藜也歲欲潦潦草先生潦草者蓬也

師曠

占午橋莊小兒坡茂草盈里晉公每使數羣白羊散於

坡上曰芳草多情賴此粧點

窮幽記

元和時館閣湯飲煎

騏驎草

鳳翔退耕傳

集何所獨無芳草爾何懷乎故宇

楚辭

折芳馨兮遺所思

九歌

春草生兮萋萋

招隱

春草碧色

江淹賦

四顧何茫茫東風

搖百草

新樹蘭蕙枝雜用杜蘅草終朝採草榮日暮

不盈抱採之欲遺誰所思在遠道青袍似春草長條

從風舒青青陵中草傾葉晞朝日陽春被惠澤枝葉可

攬結草木為恩感以人含氣血

古詩

池塘生春草

謝靈運

池

草暗生春

綠蘿紛歲穠繚繞松栢枝草木有所託歲

寒尚不移

草不謝榮於春風

芳草換野色飛蘿搖

春煙

瑤草映高堂

春風如有情山中尚含綠春

草如有意羅生玉堂陰 芳草歇柔艷

李白

汀草亂青袍

草見踏青心 忘機對芳草 宮草霏霏承委佩

映堦碧草自春色 草敵虛嵐翠 碧知湖外草 春

泥百草生 百草競春華 方期拾瑤草

杜詩

白露下百

草蕭蘭共憔悴青青四墻下已復生滿地 野草花葉

細不辨蕢菜施 草珠競駢晴

韓詩

陰草濕翠羽

柳詩

五陵

愁碧春萋萋

溫庭筠

芳草復芳草斷腸還斷腸自然堪下

淚何必更殘傷

杜牧

憶春草處處多情洛陽道金谷園中

見日遲銅駝陌上迎風早

館娃宮外姑蘇臺鬱鬱芊

芊掇不開

劉禹錫

本朝楚辭所詠香草曰蘭曰蓀曰菝曰葍曰芷曰
荃曰蕙曰薰曰薜蘿曰江離曰杜若曰杜蘅曰揭車曰
留夷釋者但一切謂之香草而已如蘭一物或以為都
梁良或以為澤蘭或以為猗蘭草今當以澤蘭為正山
中又一種大葉蘭冬春開花極香此別名幽蘭非真蘭
也蓀則今人所謂石菖蒲者葍葍芷雖有四名祇是

一物今所謂白芷是也蕙即零陵香一名薰薷燕即芎
藭苗也一名江薜杜若即山薑也杜蘅今人呼為馬蹄
香惟荃與揭車留夷終莫能識余他日當徧求其本列
植欄檻間以為楚香亭 漸覺東皇意思勻陳根初種

夜來新忽驚平地有輕綠已覺六街無舊塵莫為榮枯

吟野草且憐愁醉輒香輪詩人空怨王孫遠極目萋萋

又一春遜齋
閒覽似嫌車馬繁華處纔入城門便不生劉原
父

光耀發幽叢 秋草風吹春復綠 芳草留人意自閒

草木本無情及時如自得

六一集

草木含幽香 芳草

不鋤當戶長

並東坡

菖蒲

石菖蒲附

經王使周公閱來聘饗有昌歜

左傳

史梁太祖后張氏忽見庭前菖蒲生花因取食之生高

祖

詳見莖節類

傳記玉衡星散為菖蒲

春秋運斗樞

菖蒲放花人得食之長

年

風俗通

菖蒲生石上一寸九節者久服輕身明目不

忘不迷

菖蒲亦有一寸十二節者

本草

菖蒲一名堯時

薤

吳氏本草

聖王仁功濟天下者堯也天降精於庭為薤感

百陰為菖蒲焉

典術

宣山中菖蒲一寸二十節堅芬之極

羅浮山記

文王好食菖蒲菹

說苑

王興採菖蒲食得長生

神仙傳

王徽之以菖蒲映竹曰菖蒲只以九節為貴而此君面

目聳焉菖蒲正當再拜此君而此君亦安得不受之耶

高士春秋

僧普寂大好菖蒲房中以菖蒲種成獅子鸞鳳仙

人之狀

海墨微言

成都營妓薛濤元微之使蜀屢陪讌笑元

後寄詩云別後相思隔煙水菖蒲花發五雲高

牧豎問談

集菖蒲從短出平沙

菖蒲花紫茸

李白

水長減蒲芽

青青水中蒲長在水中居寄語浮萍草相隨我不如

韓詩

本朝九節菖蒲石上仙

菖蒲人不識生此亂石溝山

高雪霜苦苗葉不得抽下有千歲根歲縮如蟠虬 春

萸秋英兩須臾神藥人間果有無無鼻何由識蒼苔有

花今始信菖蒲芳心未飽兩蝴蝶寒意知鳴幾蟪蛄記

取明年十二節小兒休更簫霜鬚

詠菖蒲花

爛斑碎玉養菖

蒲一勺清泉半石盂 碧玉盃盛紅瑪瑙青盆水養石

菖蒲也知供法無窮盡試問禪師得飽無 其延年輕

身之功既非昌陽之所能及至於思寒苦安淡泊與清

泉白石為伍不待泥土而生者亦豈昌陽之所能髣髴

哉

東坡

閒行澗底採菖蒲千歲龍蛇抱石矐明朝却覓黃

州路飛下山巔不用扶

陳興義

芭蕉

傳記芭蕉一曰芭苴或曰甘蕉子兩兩共對剥其皮色

黃白味似蒲萄甜而脆其莖解散如絲績以為葛謂之

蕉葛

廣志

每花一闔各有六子先後相次子不俱生花不

俱落有三種一種子大如拇指長而銳有似羊角名羊

角蕉味最甘好一種子大如鷄卵有似牛乳味微減羊

角蕉一種大如藕子長六七寸形正方少甘味最弱

取鑊煮之為絲可以紡績女工以為絺綌今交趾葛也

南州異物志

赤岩山水石之間唯有甘蕉林深者十丈

遊名山志

路德延數歲能詩嘗賦芭蕉詩曰一種靈苗異天然體

性虛葉如斜界紙心似倒抽書

廣記

僧懷素貧無紙可書

嘗於故里種芭蕉萬餘以供揮洒

陸羽作懷素傳

集扶疎似樹質則非木

卞敬宗贊

芭蕉葉大梔子肥

韓集

晚英

值窮節綠潤含朱光以茲正陽色窈窕凌清霜遠物世

所重旅人心獨傷回暉眺林際撼撼無遺芳

柳詩

芭蕉不

展丁香結同向春風各自愁

芭蕉開綠扇

李義山

本朝芭蕉一枕西窗雨

王介甫

更展芭蕉看學書

山谷

骨相

玲瓏透八窗花頭倒插紫荷香繞身無數青羅扇風不

來時也覺涼

誠齋

水草

經參差荇菜左右流之 于以采繁于沼于沚 于以

采蘋南澗之濱于以采藻于彼行潦 思樂泮水薄采

其芹薄采其茆

詩

季春萍始生

禮記

蘋蘩藇藻之菜可薦

於鬼神可羞於王公

左傳

傳記革萍也無根浮水而生

說文

水藻一名水簾生池澤

中水上葉圓小一莖一葉

吳氏本草

水萍一名水華久服輕

身

本草經

萍蘆大者為蘋季春生可糝蒸為茹

詩義疏

穀雨

之日萍始生萍不生陰氣貫盈

逸周書

菜之美者赬嶮之

萍焉

呂氏春秋

楚昭王渡江江中有一物大如斗圓而赤直

觸王舟王使人問孔子孔子曰是謂萍實可剖而食之

王遂食大美又遣人問孔子何以知之子曰吾嘗過陳

之野童謠曰楚王渡江得萍實大如斗赤如日剖而食

之甜如蜜

家語

東華夫人設珍馐有黑河文藻

廣記

漢宮甘

露池西有靈池方四百步中有連錢荇浮根菱倒枝藻

連錢荇葉如錢大

洞冥記

薄水苔也一名石髮江東食之

爾雅苔水衣也

說文

海藻一名海苔

南粵志

集靡萍九衢

楚辭

充饑憶楚萍

旅從一浮萍

微馨借

渚蘋

處處清江帶白蘋

風起青蘋末

江潭隱白

蘋

寒魚依密藻

杜詩

南湖采白蘋

雙萍易飄轉

李詩白風

約半池萍

萍蓋汙池淨

蘋藻滿盤無處奠

韓詩春風

無限瀟湘意欲采蘋花不自由

柳詩

本朝綠池萍錦翻

殘花點綠萍

六一集

曉來風約半池

明重疊侵沙綠罽成不用臨池重相笑最無根蒂是浮

萍

陸龜蒙

東池浮萍半粘塊裂碧跳青出魚背廢沼粘

枯萍雨過浮萍合五年不踏江頭路夢逐東風泛

沚蘋投箸披綠荇猗猗水荇長西池秋水尚橫

空

舞濶搖深吹荇帶

東坡

記纂淵海卷九十四

欽定四庫全書

記纂淵海卷九十五

宋 潘自牧 撰

木部

雜木

見五行部木類

松松栢

松脂

茯苓附

經青州厥貢鉛松怪石

書

山有喬松

詩

如松栢之茂

薦與女蘿施于松栢

徂徠之松

陟彼景山松栢丸

丸

詩如松栢之有心也故貫四時而不改柯易葉

禮記培

樓無松栢

松栢之下其草不殖

左傳

哀公問社於宰我

宰我對曰夏后氏以松

歲寒然後知松栢之後凋也

論語

子受命於地惟松栢獨也在冬夏青青

天寒既至雪

霜既降吾是以知松栢之茂也

莊子

歲不寒無以知松栢

事不難無以知君子

荀子

千歲之松下有茯苓上有兔絲

淮南子

松三千歲者皮中有聚脂如龍形名曰飛節芝

玉策記千歲松樹望之如偃蓋其中有物或如青牛青

羊青犬或如人服之皆壽萬歲 大陵偃蓋之松與天齊

其長地等其久也 謂冬必凋而松栢茂

抱朴子

史松栢為百木長也

史記

庾顗見和嶠嘆曰嶠森森如千

丈松雖礫硤多節施之大厦有棟梁之用

王隱晉書

陶弘景

特愛松風庭院皆植松每聞其響欣然為樂有時獨遊

泉石望見者以為仙人

梁書

彭城王勰從幸代都次于上

黨之銅鞮山路傍大松樹十數株帝行而賦詩令人示

勰曰吾作詩雖不七步亦不言遠汝可作之勰去帝十

餘步未至帝所而就詩曰松林經幾冬山川何如昔

後魏

書

傳記松脂淪入地中千歲為茯神茯苓

玄中記

溫山松栢

常茂不落

焦贛易林

松脂一名松膏一名松肪久服輕身延

年

草本

嵩山有大松樹或百歲千歲其精變為青牛或為

伏龜採食其實得長生

嵩山記

永寧縣界海中有松門島

嶼上皆生松

王羲之遊郡記

石門岩即松林也南臨石門澗澗

中仰視之離離如駢麈尾號麈尾松西嶺松如馬鬣又

葉五粒者名五粒松服之長生

記廬山

松凡言兩粒五粒

粒當言鬣段成式修行里私第大堂前五鬣松五鬣皮

不鱗唐仇士良水墮亭子有兩鬣皮不鱗者又有七鬣

者不知自何而得俗謂孔雀三鬣松也松根下過石則

偃蓋不待千年也

記廣

南岳百里有福地松高數千尺圍

即數尋而藥甘採此松膏而服不苦澁與諸處松別

十道

記秦始皇封禪泰山風雨暴至休於松樹下因封其樹

為五大夫

漢官儀

丁固夢松樹生腹上謂人曰松字十八

公也後十八年為公遂如夢

吳錄

松栢之地其土不肥

說苑

百仞之松本傷于下而末槁於上

呂氏春秋

伏生者當湯時

為木正常食松脂偃佺好食松實能飛行逮走馬以松

子遺堯不能服

列仙傳

漢末大亂宮人小黃門避兵食松

栢實遂不復飢舉體生毛魏武聞而始收養還食穀米

齒落髮白

異苑

李元禮冽冽如長松下風周君颺颺如小

松下風

世說

東都龍興觀有古松樹枝偃倒垂相傳云已

經千年常有白鶴飛止其間

西京雜記

沙門玄奘大唐武德

中將往西域取經於龍岩寺前見一松樹以手摩其枝

曰吾西去求佛教汝可西長若吾歸即却東回及去年

果西指一年忽東回果東歸衆謂此松為摩頂松

廣朝記

真觀九星院有三賢松三株如古君子梁閣老妓英奴

以麗水囊貯香遊之不數日松皆半枯

事畧

集流潤飛津沉精幽結貞蕤含芳仰拂素雪

庾肅之贊

南山

石鬼鬼松栢何崔崔上枝拂青雲中心十數圍

扶風歌撫

孤松而盤桓懷此貞秀姿卓為霜下傑

陶詩

松數千株

切切交呼如冠劍大臣國有疑難庭立而議杜牧賦亭亭

山上松瑟瑟谷中風風聲一何盛松枝一何勁風霜正

慘悽終歲恒端正豈不罹霜雪松栢有本性劉公幹松栢

本孤直錯落千丈松虬龍盤古根松栢雖寒苦羞逐

桃李春陰生古苔綠色染秋煙碧何當凌雲霄直上

數千尺南窓蕭瑟松聲起憑誰一聽清心耳李白大哉

霜雪幹歲久為寒材疎松隔水奏笙簧松林駐遠

清偃蓋反走虬龍形中有松栢參天長黛色參天

二千尺 幽色幸秀發 踈柯亦昂藏 未見紫煙集 虛

蒙清露 沾何當 一百丈 歌蓋擁高簷 兩株慘列白 蘚

皮 新松恨不高千尺 落落出羣非 挑柳青青不朽

豈楊梅欲存老 盡千年意為覓霜根數寸栽 杜詩 藍田丞

崔斯立痛掃溉對植二松日吟哦其間 藍田丞行壁記 日出霧

露餘青松如膏沐 積雪表明秀寒花助窓籠幽真如

有慕恃以延秋風 竒姿來遠山 勁色不改舊芳心

誰與榮 清韻動筇筌諧此風中聲 商山臨路有孤

松往來斫以為明好事者憐之編竹成援遂其生植感
而賦詩云孤松挺翠蓋託根臨廣路不以險自防遂為
明所誤幸逢仁惠意重以籓籬護猶有半心存時將承
雨露韓詩翠蓋煙籠密花幢雪壓低與僧清影坐借鶴穩

枝棲

白居易

本朝松鳴澗底自風寒青松守節見臨危正色凜凜
不可犯松老無風韻自寒六一集虬角龍鬚不可攀亭

亭千丈蔭南山應嗟無地逃斤斧豈願爭明燭火間此詩

為道傍人
大松人取為明作

萬壑風生成夜響千山月照掛秋陰豈因

冀壤栽培力自得乾坤造化心

王介甫

竭來齊安野夾路

鬚髯蒼會開龍蛇窟不惜斤斧瘡縱未得茯苓且當拾

流肪

東坡

坐待老龍蛇清蔭滿南臺孤根裂山石直幹排

風雷我今百日客養此千歲材天公不救斧斤厄野

火解憐冰雪姿已負梁棟質肯為兒女悲林中百

尺松歲久蒼龍蹙松花釀仙酒養此霜雪根遲待

鸞鳳吟鬱鬱蒼髯真道友十年春雨養髯龍澗

底松根剝雪腴

並同上

喬松千尺老不僵兮流膏入土龜

蛇藏兮

鬱鬱蒼髯千歲姿肯來杯酒作兒嬉醉裏便

成歌雪舞醒時喚作嘯風詞

上有百尺絲

兔絲也

下有

千歲苓

老松閱世卧雲壑晚著滄江舞萬牛

蟠空

作風雨發地鳴鼓吹

太邱心灑落古松韻清深聊持

不俗耳靜聽無絃琴

老去惟心在相依到歲寒

山谷松

生陰隘岩嶽穴械病乎不快卒以為怪擁腫支離神羞

鬼疑道人咨嗟筆傳其奇或怪于形或奇于辭吾為怪

魁是以讚之

陸龜蒙怪松圖贊

連根欲鬪岩壑力一蓋常涵雨

露清曾映月明留鶴宿近經雷霹帶龍腥

劉屏山

椿

予上古有大椿樹以八千歲為春八千歲為秋

列子又莊子

傳記盧攜夢人贈句曰若問登庸日庭椿不染風後拜

相庭下古椿一株雖狂風驟雨不濕不搖

鳳池集

檜

經杔榦枯栢注云栢葉松身曰栢

書

檜楫松舟詩

傳記檜栢葉松身

爾雅

李德裕平泉莊有鴈翅檜葉婆娑

如鴈翅也

花木記

本朝亳州太清宮殿前有老檜南枝礙簷以真宗將幸

欲加斤斧一夕大風雷及曉檜枝已轉而北矣真宗甚

愛之因謂之御愛檜

青瑣高議

夜深蒼檜起天風蜂採檜

花村落香

檜為凌雲材

累此孤高幹

雪霜不改

終古色風雨有聲當夏寒

六一集

汝陰多古檜處處屯蒼

雲體備松栢姿氣含芝朮薰初扶鶴骨立未出龍纒

筋 團團山上檜歲歲閱榆柳天才固已殊安得同永
久 當年雙檜是雙童相對無言禮更恭庭雪到腰埋
不死如今化作兩蒼龍凜然相對敢相欺直幹凌空未
足奇根到九泉無曲處世間唯有蟄龍知 依依古仙
子鬱鬱綠毛身 栽培一寸根寄子百年心東坡植檜三
尺強已有凌雲氣 緬懷萬仞巔千丈鬱蒼翠蟠根泉
石底用意霜雪外後山深蓋屈蟠青麈尾老皮張展黑龍
鱗惟將寒色資琴興不放秋聲染俗塵 秦韜玉

栢

經荊州厥貢杔榦栢

書

汎彼栢舟

詩

新甫之栢

詩

子栢經冬而不凋蒙霜而不變可謂得其貞矣

荀子

大谷

倒生之栢與天齊其長地等其久也

抱朴子

史朱博為御史大夫府中列栢有野烏數千栖其上

詳見

御史臺類

漢武帝造栢梁殿

昭帝時長安諸陵栢樹枯倒

者悉起生葉蟲食作字云魯孫病已立後昭帝崩昌邑

王被廢迎立宣帝名病已

漢書

栢者鬼之庭也

東方朔傳

魯郡

孔子舊廟有栢樹二十株經歷漢晉莫犯也江夏王義

恭悉遣人取之父老皆歎息

宋書

王晏之為員外郎也父

普曜齋前栢樹忽成梧桐論者以為梧桐雖有棲鳳之

美而失後凋之節

齊書

魏蘭根丁母憂郡境有董卓祠祠

有栢樹蘭根以卓凶逆無道不應立祠乃伐栢以為棹

材

北齊書

長壽二年萬象神宮側有檉松栢

唐書

傳記栢櫚也

爾雅

栢曰蒼官

三水小牘

華山生文栢

地理志

甲申

天子升於大北之陞而降休於兩栢之下

穆天子傳

磅山之

北有穴穴上有栢昔李少翁於閭陰移來此穴種此栢

已見扶桑三枯海水涸竭

洞冥記

泰山廟中栢皆三十餘

圍赤眉嘗斫一樹見血而止今斧印猶在

從征記

廣成子

好食栢實齒落更生

列仙傳

栢谷漢武帝微行所至處

述征

記

盧氏縣有盧君古塚傍古栢二樹文隱起皆龜甲堅

如鐵石

述異志

李德裕平泉莊有珠子栢實如珠子生葉

上花木記

集既殊羣而抗立亦含貞而挺正豈春日之自芳亦霜

下而為盛烈風不能摧其枝積雪不能改其性雖坎壈

於當年庶後凋之可詠

齊江夏王
鋒修栢賦

信松茂而栢悅

大孔
選

明廟前有老栢柯如青銅根如石霜皮溜雨四十圍黛

色參天二千尺

崔嵬枝榦郊原古窈窕丹青戶牖空

落落盤据雖得地冥冥孤高多烈風扶持自是神明力

正直元因造化功

苦心豈免容螻蟻香葉終經宿鸞

鳳

錦官城外栢森森

凌雲翠不奪

有栢生崇岡

童童狀車蓋偃蹇龍虎姿生當風雲會 翠栢深留景

杜詩幽幽太華側老栢如建纛龍皮相排戛翠羽更蕩掉

李賀題處尚尋王內史畫時應是鮑參軍長廊夜靜聲疑

雨古殿秋深影勝雲

溫庭筠
詠晉栢

本朝寇萊公知巴東縣嘗手植雙栢於縣庭至今民以

比甘棠謂之萊公栢

澠水燕談

孤山有陳時栢二株其一為

人所薪山下老人自為兒已見其枯矣然堅悍如金石

愈於未枯者僧志詮作堂於其側名之曰栢堂 枝

撐雲峯裏根入石窟蟠 瘦皮纏鶴骨高頂轉龍腰

蒼龍轉玉骨黑虎抱金柅 道人手種幾生前鶴骨龍

姿尚宛然

東坡集

凜凜節奇霜澗栢

六一集

歲月那能記風

霜亦飽經槁乾仍故節潤澤出新青 秀色有新古英

姿無暑寒

後山

槐

經面三槐三公位焉

周禮

趙宣子驟諫公患之使鉏麇賊

之麇觸槐而死

左傳

子五沃之土其木宜槐

管子

水中有火乃焚大槐

莊子

槐之

生也入季春五日而兔目十日而鼠耳更旬而始規二

旬葉成

淮南子

槐子服之補腦令人髮不白而長

抱朴子

史建始四年山陽社中大槐樹吏人伐斷之其夜復自

立如故

漢書

大司馬府有老槐樹殷仲文歎曰此樹婆娑

生意盡矣

晉書

庾肩吾嘗服槐實年七十餘目看細字鬢

皆黑

梁書

貞元中度支欲取兩京道中槐樹為薪先下符

牒渭南縣縣尉張造牒曰召伯所憩尚勿剪除先皇舊

遊豈宜斬伐 虢州刺史蕭祐奏湖城縣百姓閭鄩五

代同居家內槐一本再生枝葉

唐書

傳記懷槐大葉而黑守宮槐葉畫聶宵炕

爾雅

槐木者虛

星之精

春秋說

武王問太公曰天下神來甚衆恐有試者

何以待之太公曰請樹槐於王門內有益者入無益者

距之

太公金匱

齊景公有所愛槐令犯槐者刑傷槐者死有

醉而傷槐且加刑焉其女懼而告晏子曰妾恐隣國聞

之謂君愛槐而殘人可乎晏子入言之公罷其禁

晏子春秋

廣陵王元淵夢著袞衣倚槐樹立問於楊元慎元慎曰

三公之祥退而告人曰廣陵死矣槐字木傍鬼死後當

得三公廣陵討葛榮果為所殺追贈司徒

洛陽伽藍記

淳于

芬嘗夢入大槐安國其王以芬為南柯太守及覺尋其

所經由乃宅南大槐下一蟻穴耳

廣記

甘泉北有槐今謂

玉樹

三輔黃圖

集樹以青槐玄陰耽耽

文選

夾道疎槐出老根

夏槐作

雲屯

韓詩

毵毵金葉撲晴空舉子魂驚落照中

鄭谷

本朝晉國王公祐嘗手植三槐於庭曰吾子孫必有為

三公者已而其子文正公旦相真宗於景德祥符之間

細細槐花暖欲零 綠槐高處一蟬吟

東坡

曉日宮槐

影山谷漢家宮殿蔭長槐嫩色葱葱不染埃天仗龍旗穿

影去鈎陳豹尾拂枝來

梅堯臣

楊柳

經枯楊生稊老夫得其女妻枯楊生華老婦得其士夫

易折柳樊圃 東門之楊其葉牂牁 昔我往矣楊柳

依依 北山有楊 蒹彼柳斯 有蒹者柳 詩

子五沃之土宜柳

管子

支離叔觀於冥伯之丘崑崙之墟

黃帝之所休俄而柳生其左肘

莊子

夫木槿楊柳斷而植

之更生倒之亦生橫之亦生

抱朴子

史周亞夫屯軍細柳營

漢書

王恭美姿容或目之曰濯濯

如春月柳

太康末京洛為折楊柳之歌是時三楊貴

盛而被族滅太后幽死宮中折楊之應也

晉書

陶潛有高

趣宅邊植五柳樹故嘗著五柳先生傳

南史

劉俊之獻蜀

柳數株條甚長狀若絲縷武帝植於靈和殿前嘗翫嗟

曰此楊柳風流可愛似張緒當時見賞如此

齊書

柳機在

周與族人昂俱歷顯要及機昂並為外職楊素方用事
因上賜宴素戲機曰二柳俱摧孤楊獨聳高頰初孩孺

時家有柳樹高百許尺亭亭如蓋里中父老曰此家當

出貴人後頰果至宰相煬帝自坂渚引河築街道植

柳名曰隋堤

隋書

中書省有柳樹建中末枯死興元元年

車駕還京其樹再榮人謂之瑞柳梁修仁監造蓬萊

宮列種白楊示契苾何力曰此木易成不數十年可庇

何力不答但誦白楊多悲風蕭蕭愁殺人之句修仁驚

悟更植以桐

唐書

傳記檉河柳旄澤柳楊蒲柳

爾雅

楊蒲柳也從木易聲檉

河柳也從木聖聲柳小楊也從木卯聲

說文

鵲巢柳樹鳩

奪其處

焦贛易林

正月柳穉穉者發葉也

大戴禮

均萑谷其木

多柳鳳伯之山熊山直陵之山木多柳平丘山爰有楊

柳沃民之國有白柳

山海經

柳華一名柳絮

本草

展禽家有

柳樹身行惠德故號柳下惠

許慎淮南子注

漢苑中有柳狀如

人一日三起三倒號曰人柳

侯鯖錄

陶侃明識過人武昌

道上通種楊柳人有竊之植於家侃見識之問何以盜

官所種時以為神

晉中興書

柳汁染衫

三峯集見狀元類

李將

失名以

幸姬柳氏與韓翃天寶末盜覆二京洎宣皇帝反正翃

乃遣人間行求柳氏以練囊盛麝金而題之曰章臺柳

章臺柳昔日青青今在否縱使長條似舊垂也應攀折

他人手柳氏答之曰楊柳枝芳菲節所恨年年贈離別

一葉隨風忽報秋縱使君來豈堪折

本事

張敞為京兆尹走馬街有柳

市故號章臺柳杜
詩云京兆空柳市

集在余年之二七植斯柳乎中庭始圖寸而高尺今連

拱而九成

魏文帝賦

垂楊蔭御溝

文選

溧陽酒樓三月春楊花

茫茫愁殺人

楊花滿江來疑是龍山雪

柳色黃金

嫩

花飛玉關雪葉暖金牕煙

河堤柳弱鬱金枝

昨夜東風入武陽陌頭楊柳黃金色 池南柳色半青

青縈煙裊娜拂綺城垂絲百尺掛雕楹上有好鳥相和

鳴李白顛狂柳絮隨風舞

糝徑楊花鋪白氍

輕輕柳

絮點人衣 市橋官柳細 高柳半青天 隔溪楊柳

弱嫋嫋恰似十五女兒腰 青歸柳葉新 岸容待臘

將舒柳 漏泄春光有柳條 枝枝總到地葉葉自開

春紫燕時翻翼黃鸝不露身杜詩柳花閒度竹 柳巷還

飛絮 柳色壓城勻 雨多添柳耳 別來楊柳街頭

樹擺撼春風祗欲飛韓詩柳州柳太守種柳柳江邊好作

思人樹慙無惠化傳柳詩青青東門柳歲晏必憔悴李詩楊

國忠鳳闕輕遮翡翠幃龍池遙望麴塵絲御溝春水相

輝映狂殺長安年少兒
花萼樓前初種時
美人樓上

鬪腰肢如今拋擲長街裏
露葉如啼欲恨誰
御陌青

門拂地垂千條金縷萬條絲
如今綰作同心結
將贈行

人知不知
城外春風吹酒旗
行人揮袂日西時
長安

陌上無窮樹
唯有垂楊管
別離

劉夢得
柳枝詞

色映妖韶柳

不比禁中人
柳終朝剩得三眠
絮飛藏皓蝶
帶弱露

黃鸝
灞岸已攀行客手
楚宮先騁舞姬腰
已帶黃

金縷仍飛白玉花
長時須拂馬
密處更藏鴉
曾逐東

風拂舞筵樂遊春苑斷腸天如何肯到清秋日已帶斜

陽又帶蟬

李義山

灞上漢南千萬樹幾人遊宦別離中綠

陰未覆長堤水金穗先迎上苑風

杜牧

半煙半雨江橋畔

映杏映桃山路中會得離人無限意千絲萬絮惹春風

鄭谷

自家飛絮猶無定爭把長條絆得人

羅隱

楊柳千條拂

面絲綠煙金穗不勝吹

溫庭筠

柳意不勝春

韋蘇州

本朝柳絮已將春去遠落絮風捲盡春歸不留迹

六一

集

為問如何插楊柳明年飛絮作浮萍長恨漫天柳

絮輕只將飛舞占清明

東坡

柳送腰肢日幾回更教飛絮

舞樓臺顛狂忽作高千丈風力微時穩下來

陳去非

桑

桑柘附

蠶事詳見民業部

經其亡其亡繫於苞桑

易

桑之未落其葉沃若于嗟鳩

兮無食桑葚桑之落矣其黃而隕

星言夙駕說於桑

田無踰我墻無折我樹桑

肅肅鳩行集於苞桑

交交黃鳥止於桑

隰桑有阿

翩彼飛鴉集於泮林

食我桑黹懷我好音

詩

季春命野虞毋伐桑柘

記晉

重耳將行謀於桑下

趙宣子田於首山舍於翳桑

左傳

子子產開畝樹桑鄭人謗訾

韓子

季夏取桑柘之火

鄒子

史齊魯千畝桑其人與千戶侯等

史記

張堪為漁陽太守

百姓歌曰桑無附枝麥秀兩岐

陳旌為巫令桑旅生

二萬餘株民以為給

後漢書

先主舍有桑樹生高丈餘遙

望如小車蓋或謂當出貴人先主少時與宗中諸兒於

樹下戲言吾必當乘此羽葆車蓋

蜀志

齊太祖宅南有桑

樹擢本三丈橫出四枝狀如車蓋上年數歲遊於其下

從兄敬宗謂曰此樹為汝生也

齊書

傳記女桑棧桑

俗呼小桑長條者為女桑樹

檠桑山桑

書曰厥篚檠絲詩曰其檠

其柘是也桑柳醜條

柯娜垂條也並爾雅

宣山上有桑高五千尺圍五

丈其枝四衢葉大尺赤理青葉名曰帝女之桑 東北

海外圓丘有三桑無枝皆高百仞

山海經

東方有樹焉高

八千丈葉長一丈廣六七尺曰扶桑有椹焉長三尺五

寸

神異經

桑木者箕星之精

典術

伊尹之母孕伊尹夢神告

之曰曰出水而東走無顧明日視曰果出水告其隣東

走顧其邑盡為水身因化為桑有華氏採桑得嬰兒於

空桑之中獻之於君命之曰伊尹

呂氏春秋

楚邊邑之女與

吳邊邑處女爭界上之桑二家相攻吳國不勝遂伐楚

二都

吳越春秋

東華夫人設珍肴有扶桑丹楨

廣記

集出自薊北門遙望胡地桑枝枝自相值葉葉自相當

曹植歌

綠葉興而盈尺崇條蔓而增尋

陸機賦

上似華蓋紫

極比形下象鳳闕萬桷一楹

樊欽賦

桑柘起寒煙

謝朓賦

嫋嫋

桑柘葉

桑柘羅平蕪

李白

桑柘葉如雲

舍西柔桑葉

可拈

杜詩

桑葉忽蕪蔓

韓詩

官罷得絲髮好買百樹桑

杜牧

嫋

嫋陌上桑陰陌復垂塘長條繫白日細葉隱鸝黃

古樂府

本朝桑枝生椹鳥啁啾

兩岸桑柘雜耕耘

風勁野

田桑柘折

綠桑高下映平川

桑柘千疇富

六一集

去

年東坡拾瓦礫自種黃桑三百尺

傳云古隆中萬樹

桑柘美

東坡

梧桐

經梧桐生矣于彼朝陽

詩

子舍其梧擯養其槭棘

孟

子據槁梧而瞑棲鴟鷃非梧桐

不棲

莊子

傳記梓實桐皮曰椅今民云梧桐也

詩義疏

櫬梧也

爾雅

君

乘火而王其政平梧桐為常生

禮斗威儀

王者任用賢良則

梧桐生於東廂

瑞應圖

梧桐不生則九州異注云梧桐以

知日月正閏生十二葉一邊有六葉從下數一葉為一

月至上十二月有閏則十三葉視葉小者則知閏何月

也不生九州各異君天下不同也

遁甲經

梧桐生於嶧山

陽岩石之上採東南孫枝為琴聲甚清雅

風俗通

梧桐有

白者驃國有白桐木其華有白毳取其毳淹漬緝織以

為布

廣志

益州有梧桐木其華采如絲人績以為布名曰

華布

華陽國志

梧桐生山石間者為樂器則鳴

齊民要術

梧桐園

在吳夫差舊國一名琴川梧園宮在句容縣古樂府云

梧宮秋吳王愁是也

述異記

人有折博陵君豹山園桐枝

者公曰何為傷我鳳條

雜俎

桐乳桐子也似乳著葉而生

要

集爰有梧桐生於北谿傳根朽壤託險生危七井梧棲

靈鳳

古詩

寒井落梧桐

大選

梧桐落金井一葉飛銀床梧

桐巢燕雀

今茲大火落秋葉黃梧桐

梧桐識佳樹

秋色老梧桐

李白

青梧日夜凋

碧梧棲老鳳凰枝

杜詩

霜風侵梧桐衆葉著樹乾空塔一片下瑱若摧琅玕

撼撼井梧疎更殞

韓詩

秋雨梧桐葉落時

白樂天

高梧一葉

下空齋歸思多參差剪綠綺瀟洒覆瓊柯

韋蘇州

本朝猗猗井上桐花葉何衰衰下蔭百尺泉上聳凌雲

材翠色洗朝露清陰當午階 斯梧乃佳樹意若名吾

齊

六一集

卧聞踈響梧桐雨

露葉耿高桐

東坡

庭梧自黃

隕風過成夜雨

風梧有先聲

秋色傍梧桐

眼趣

高梧上碧蘿

後山

桐

經徐州嶧陽孤桐

書

季春之月桐始華

記

子五沃之土其木宜桐

管子

拱把之桐梓人苟欲生之皆

知所以養之者

孟子

智者有所不足故桐不可以為弩

夫以巨斧擊桐薪不待利時良日而後破之加巨斧桐薪之上而無人力之奉雖順招搖挾刑德而弗能破者

以其無勢也

淮南子

史蔡邕聞吳人燒桐以爨者聞火烈聲因請以為琴

漢書

詳見琴賦

豫章王於邸起山列種桐竹號為桐山

齊書

傳記榮桐木

爾雅

有青桐白桐赤桐白桐宜琴瑟

詩義疏

桐

枝濡毳而又空中難成易傷湏成氣而後華

易緯

吹臺有

高桐皆百圍嶧陽孤桐方此為劣

遊名山志

成王與唐叔虞

燕居剪桐葉以為珪曰以此封汝虞喜以告周公周公

請封虞成王曰余與虞戲也周公曰天子無戲言遂封

叔虞於晉

呂氏春秋

北宗雅禪師建蘭若庭多古桐一年中

桐始華有異蜂聲如人禪師網獲一焉寘紗籠中忽有

數人集籠外曰予與青桐君奕勝得琅玕紙數幅

雜俎

集龍門之桐高百尺而無枝中鬱結而輪囷根扶疎以

分離

七發

寒山之桐出自大冥含黃鍾以吐榦據蒼岑而

孤生

十合

雙桐生空井枝葉自相和通泉溉其根玄雨潤

其柯

魏明帝

孤桐北窗外高枝百丈餘葉生既婀娜葉落

更扶疎

謝玄暉

昔也植朝陽傾枝俟鸞驚今者絕世用空

惚見迫東班匠不我顧牙曠不我錄焉得琴瑟成何由

揚妙曲

司馬彪

分根蔭玉池欲待高鸞集

沈約

桐香待鳳池

李賀

樹暗惜桐孫

杜牧

一株青玉立千葉綠雲委

山木多

蒼鬱茲桐獨亭亭葉重碧雲片花簇紫霞英為君布

綠陰當暑蔭軒楹為君發清韻風來如叩瓊受君陽和

德不獨含芳榮戒君無戲言剪葉封弟兄受君歲月功

不獨資生成為君長高枝鳳凰上頭鳴

白居易

本朝疎柯青玉簪密葉翠羽蒙午景凝餘清夕照留殘

紅雨響霓棟外風生戶牖中

司馬公

梓

經維桑與梓必恭敬止

詩

子拱把之桐梓

孟子

史子胥將死告其舍人曰必樹吾墓上以梓令可以為

器而扶吾眼懸吳之東門上以觀越兵之入吳也

史應記

順遷東平相有梓樹生於廳事室上順事後母至孝衆

以為孝感之應

後漢書

傳記棟鼠梓

爾雅人謂七鼠梓

詩義疏曰今永昌漢人謂之棟

君乘火而王其

政和平楸梓為常生

禮斗威儀

玉山碧山多梓木雞山美梓

山海經

太姒夢太子發取周庭之梓樹於商闕間化為松

柏

竹書

康叔伯禽問於商子商子曰南山之陽有木名橋

北山之陰有木名梓二子盍往觀焉二子往觀見橋木

高而仰梓木晉而俯反以告商子曰橋者父道也梓者

子道也

尚書大傳

秦文公造長安宮終南山有梓樹蔭宮中

公惡而伐之輒大風雨夜夢有鬼謂梓樹曰近者使三

百人被頭以絲繞樹豈不敗汝樹默然不應明日秦王

依此言伐之中有青牛逐之入澧水

玄中記

松陽門內有

大梓樹先枯永嘉中忽更榮花元帝果繼大業

豫章記

集斬泗濱之梓以為箏

文選

枏

傳記黃金山有枏樹一年東邊榮西邊枯後年西邊榮

東邊枯年年如此張華云交讓樹者此是也

潯陽記

馮大

亮見樵叟八人各出柟木一截纔五六寸栽於庭中曰
此樹徑尺則家財百萬旬日而樹已凌空大徑尺其金

玉自至

廣記

集柟樹色冥冥江邊一蓋青

上枝摩皇天下根盤厚

地凍雨落流膠衝風奪嘉氣

猶含棟梁具無復霄漢

志

杜詩

本朝國寧觀有古柟四皆千歲木也枝擾雲漢聲挾風

雨根入地不知其幾百尺而陰之所庇車且百兩正晝日
不穿漏夏五六月暑氣不至凜如九秋有石刻立廡下

曰是仙人遽君手植

陸放翁
古枌記

記纂淵海卷九十五

欽定四庫全書

記纂淵海卷九十六

宋 潘自牧 撰

竹部

竹

經震為蒼筤竹

易

揚州篠簜既敷

荊州厥貢惟筩簞

楷

書

瞻彼淇澳綠竹猗猗綠竹青青綠竹如簣

簞簞

竹竿

如竹苞矣

詩

孤竹之管孫竹之管陰竹之管

周禮

仲冬取竹箭

如竹箭之有筠也

禮記

史渭川千畝竹其人與千戶侯等

史記

上使發卒數萬人

塞瓠子河下淇園之竹以為楫

梁孝王脩兔園多植

竹

秦地有鄠杜竹林

漢書

費長房從壺公入深山幾得

道長房辭歸翁與一竹杖曰騎此任其所之則自至矣

至則以竹杖投葛陂也長房至家以杖投葛陂顧視則

龍也

後漢方術傳

杜預曰譬如破竹數節之後皆迎刃而解

王徽之常借居空宅中便令種竹徽之嘯詠指竹曰

不可一日無此君

晉書

庾載因游相國寺見庭竹可愛作

碧鮮賦題其壁

五代史

傳記少室之山大竹堪為釜甑

孝經河圖

長石之山西有共

谷其中多竹衛丘山南帝俊竹林在焉大可為舟

帝俊即帝

舜

竹生花其年便枯竹六十年一易根易根必經結實

而枯死實落土復生

山海經

東南之美有會稽之竹箭焉

爾雅竹曰青士

三水小牘

竹得風而體夭屈謂之竹笑

說文

蓬萊

有浮筠之籀葉青莖紫子如大珠有青鸞集其上風吹

竹葉聲如鐘磬之音

拾遺記

羅浮山生竹謂之龍鍾

南越志

邵陵高平縣有文竹山上有石牀四面綠竹扶疎常隨

風委拂此牀

湘州記

陽嶼仙山有平石名仙壇有一筋竹

垂壇上

永嘉記

江寧縣慈姥山生簫管竹自伶倫採竹嶰

谷其後惟見於此俗呼曰鼓吹山

丹陽記

雲南有實心竹

文采斑駁可為器物

雲南記

南方荒中有箒竹可以為船

湘水有相思營望帝臺舜南巡不返後葬於蒼梧之

野堯之二女娥皇女英追之不及相思慟哭淚下沾竹

大悉為之斑斑然

神異經

昔黃帝命伶倫為律伶倫自大

夏之西至沅渝之陰取竹於嶰谷斷兩節間而吹之

呂氏

春秋

弘農宜陽縣金門山竹可為律管

揚子

子路見孔子孔

子曰君子不可不學子路曰南山有竹不揉自直斬而

為用達於犀草以此言之何學之為孔子曰括而羽之

鏃而礪之其入不益深乎

家語

南中生子母竹今慈竹是

也漢章帝三年子母竹筍生白虎殿前謂之孝竹羣臣

作孝竹頌

述異記

帝遊後苑有竹叢密筍不出外帝顧諸

王曰父子兄弟相親當如此竹因謂義竹

天寶遺事

王子猷

嘗過吳中見一士大夫家極有好竹主人知子猷當往
洒掃施設在廳事坐相待王肩輿徑造竹下諷嘯良久
遂欲出門主大不堪遂令左右閉門不聽出王更以此
賞主人乃盡歡而去 阮籍嵇康山濤劉伶阮咸向秀

王戎七人常集於竹林之下肆意酣暢故世人謂之竹

林七賢

世說

唐貞元中有遊羅浮山第十三嶺遇巨竹園

二丈餘有三十九節節二丈餘予嘗覽竹譜曰雲丘帝

竹一節為船南海以竹為甌皆羅浮之竹也

嶺表錄異

李衛

公言北都惟童子寺有竹一窠纔長數尺令傳其寺每

日報竹平安

雜俎

潤州甘露寺僧某者李德裕以方竹杖

留贈出大宛國堅實而正萬節眼鬚牙四面對出公再

鎮浙右問僧曰竹杖無恙否曰已規圓而漆之矣

叢談

唐

天復甲子歲自隴而西亢陽竹皆放花結子饑民採之
舂米而食珍於粳糯其味更馨香可謂百萬圓顱活於

貞筠之下

玉堂閒話

舊稱竹實鸞鳳所食今近道竹結實如

小麥無氣味近有餘干人言彼有竹實大如鷄子竹葉

層層包裹味甘勝蜜因知鸞鳳之食必非常物也本草竹

有生日即五月十三日也大心雕龍岳人以五月十三日謂

之龍生日可種竹即齊民要術竹醉日也岳陽風土記五月

十三日移竹神日也四時纂要

集便娟之竹寄生江潭上歲蕤而防露下泠泠而來風

詠七含虛中以象道體圓質以儀天江淹賦或茂沙水或挺

岩陸條暢紛敷青翠森肅戴凱之竹譜竹則包筍抽節往往

縈結綠葉翠莖冒霜停雪吳都賦風篁成韻文選翠葆隨風

金戈動日

謝朓

檀欒嬋娟玉潤碧鮮

初篁包綠籜

大

長

淇園貞幹臣脩竹稽首

沈約脩竹
彈甘蕉大

竹本固固以樹德君

子見其本則思善建不拔者竹性直直以立身君子見

其性則思中立不倚者竹心空空以體道君子見其心

則思應用虛受者竹節貞貞以立志君子見其節則思

砥礪名行夷險一致者

日出有清陰風來有清聲

白樂

天養
竹記

勁本堅節不受雪霜剛也綠葉萋萋翠筠浮浮柔

也虛心而直無所隱蔽忠也不孤根以挺聳必相依以

林秀義也雖春陽氣上終不與衆木鬪榮謙也四時一

貫榮衰不殊常也垂賁實以延鳳樂賢也歲擢筍以成

榦進德也羣居不亂獨立自持振風拔屋不為之傾

大旱乾物不為之瘁堅可以配松柏勁可以凌霜雪密

可以泊晴煙疎可以漏霄月

大苑
英華

翠色落波深虛聲帶

寒早龍吟曾未聽鳳曲吹應好野竹分青靄綠竹

助秋聲窗竹夜鳴秋

李
白

竹光團野色我有江陰竹

能令朱夏寒籠竹和煙滴露稍風含翠篠娟娟淨

竹細野池幽 種竹交加翠 愛竹遣兒書 霜埋

雪竹根 脩竹不受暑 叢篁低地碧 錦竹亭亭出

縣高 賞靜連雲竹 綠竹半含籜 新稍纔出墻 色侵

書帙暗陰過 酒樽涼雨洗 娟娟淨風吹 細細香但令無

剪伐 會見拂雲長 杜詩 竹影金瑣碎 孟郊 折篁嘯遺笙 誰

家有竹門可款 藹藹溪流慢慢 稍稍岸篠長 穿沙碧榦

淨落水紫苞香 筍添南堦竹 日日成清閤 縹節已儲

霜黃苞猶揜翠 高標凌秋嚴 貞色奪春媚 風枝未飄

吹露粉先涵淚

韓詩

風篁冒水遠

迸篠分苦節輕筠抱

虛心

柳詩

停車欲去繞藂竹偏愛新筠十數竿莫遣兒童

觸瓊粉留待幽人回日看

常蘇州

本朝司馬公獨樂園有竹一本去地二尺分為兩幹並

生六節節間容線復合為一洛中號為瑞竹

李方叔西游記

茲

軒最灑落歷歷種琅玕

翠陰涼宴坐疎韻成清歡錦

籊裁夏扇玉筍供春盤

司馬公

竹比君子德猗猗寒更綠

嫩籊筠粉暗

虛心高自擢勁節晚愈瘦雖慙桃李

妖寧愧松柏後猗猗色可飡
滴滴翠欲溜粉籜春苞

解

六一集

雪節貫霜根

解籜呈新綠

鄰里亦知偏愛

竹春來相與護龍雛

斫得龍光竹兩竿

千林玉槩

攬空立

醉裏曾看碧玉椽

卧聽謾謾碎龍吟俯看

蒼蒼立玉身

解籜新篁不自持
嬋娟已有歲寒姿

可使食無肉不可居無竹
無肉令人瘦無竹令人俗人

瘦尚可肥人俗不可醫

東坡

卧龍偃蹇雷不驚
公與此君

俱忘形

此君傾蓋如故舊
骨相奇怪清且秀

山谷

筍

經其藪維何維筍及蒲

詩

史沈道虔有人拔其屋後筍令人止之曰惜此筍欲令
成林更有佳者相與乃買大筍與之盜者慙不取道虔
使置其門內而還

南史

傳記筍竹萌

爾雅

筍一名萌一名弱一名箠一名蘘一名蘢一名

竹胎一名竹牙一名茁一名初篁 筍者竹之弱也竹

之醜節種厥性弱於木而強於草實草木中別類也

譜筍

竹子乃筍也

神異經

服日月之精華欲得常食竹筍者日

華之胎也一名大明

道書

嶺南山谷茅地中生筍甚大籜

皆竹而根乃茅也土人食之名聖筍

紺珠集

竹之美者越

駱之箇

呂氏春秋高秀曰箇筍也

馬援至荔浦見冬筍名苞筍其味

美於春夏筍

東觀漢記

何隨有竹園人盜其筍隨行見之恐

驚乃挈履而歸

華陽國志

孟宗至孝母好食竹筍宗入林中

哀號方冬筍為之出時人皆以為孝感所致

先賢傳

漢人

適吳吳人餽筍問何物曰竹也歸煮其牀簣而不熟曰

吳人欺我哉

壁顧錄

皮藩去北而復來鄱陽食竹筍曰三

年不見羊角衰矣

叩頭錄

集岸筍開新籜

李

白綠垂風折筍

舍下筍穿壁

春筍

蒲林生

杜詩

筍添南階竹

稀生巧補林迸出疑爭地

竹亭人不到新筍滿前軒乍出真堪賞初多未覺煩

見角牛羊沒看皮虎豹存身寧虞瓦礫計擬掩蘭蓀

外恨包藏密中仍節目繁

韓詩

紫籜折故錦素肌擘新

玉

白樂天

嫩籜香苞初出林於陵論價重如金皇都陸海

應無數忍剪凌雲一寸心

李義山

萬籜抱龍兒攢迸溢林

藪

盧全

稚子脫錦綳頭香玉滑

唐詩

本朝東坡魯邀劉器之同參玉版和尚至廉泉寺燒筍而食之器之覺筍味勝問何名也東坡曰名玉版也此老師善說法要能令君得禪說之味於是器之乃悟其戲為之大笑東坡作偈曰不怕石頭路來參玉版師聊憑栢樹子與問籜龍兒

冷齋夜話

東坡云文與可嘗令余作

洋州三十詠筍簞谷其一也予詩曰漢川脩竹賤如蓬

斤斧何曾赦籜龍料得清貧饒太守渭濱千畝在胃中
與可是日與其妻游谷中燒筍晚餐發函得詩大笑噴

飯滿案

畫簣簪
谷記

故人知我意千里寄竹萌駢頭玉嬰兒

一一脫錦綳

東坡

隣里亦知偏愛竹春來相與護龍雛

數里春畦獨自尋迸犀抽錦亂森森田文死去賓朋散

拋擲三千玳瑁簪

王元之

繭栗戴地翻殼鰐觸墻壞南

園苦筍味勝肉籜龍稱冤莫採錄煩君更致蒼玉束明

日風雨吹成竹

山谷

竹君家多材楚楚皆席珍成竹著錦

袍玉色映市人

陳去非

急喚蒼頭斫煙雨明朝吹作碧參

差

朱喬年


下有萬玉虬三冬卧寒土

朱文公

江西猫筍未出

尖雪中土膏養新甜

誠齋



記纂淵海卷九十六

欽定四庫全書

子部
記纂淵海卷九十七

詳校官中書臣涂日煥

主事臣祁韻士覆勘

總校官降調編修臣倉聖脉

校對官中書臣王家賓

謄錄監生臣朱連傑

欽定四庫全書

記纂淵海卷九十七

宋 潘自牧 撰

禽部

鵬

予北冥有魚其名為鯢鯢之大不知其幾千里也化而
為鳥其名為鵬鵬之背不知其幾千里也怒而飛其翼
若垂天之雲是鳥也海運則將徙於南冥南冥者天池
也鵬之徙於南冥也水擊三千里搏扶搖而上者九萬

里風之積也不厚則其負大翼也無力故九萬里則風斯在下矣而後乃今培風背負青天而莫之夭闕者而後乃今將圖南

莊子

傳記朋及鵬皆古文鳳字也朋鳥象形鳳飛羣鳥從以萬數故以鵬為朋黨字

說文

景公謂晏子曰天有極大物

乎對曰有鵬浮遊雲背凌蒼天該於天池濇濇乎不知

其翮之所在也

晏子春秋

楚文王好獵有人獻一鷹擊鵬雛

幽明錄

漢武帝時西域獻黑鷹得鵬雛東方朔識之

異類

傳

大鵬彌乎天隅

張華賦

大鵬栖形遐遠

賈彪賦序

如雲之翼

如山之形海運水擊扶搖上征

阮脩贊

大鵬從南來衆鳥

皆戢戢

習鑿齒

脫髻鬣於海島張羽毛於天門制渤海之

春流晞扶桑之朝暾激三千以崛起向九萬而迅征背

若泰山之崔嵬翼舉長雲之縱橫噴氣則六合生雲

灑毛則千里飛雪大鵬一日同風起扶搖直上九萬

里大鵬飛兮振八裔

李白

圖南未可料變化有鯢鵬

風翻九霄鵬

鵬圖仍矯翼

丹極上鯢鵬

杜詩

鯢鵬相

摩率兩舉決一噉

韓集

君為得風鵬

白居易

本朝胡為釋南海復駕垂天雄

來依鵬背負青山

東坡

鵠

子鵠不日浴而白

莊子

千歲之鵠隨時而鳴能登於木色

純白腦盡成骨

抱朴子

史齊王使淳于髡獻鵠於楚道飛其鵠徒揭空籠以見

楚王曰齊王使臣獻鵠不忍鵠渴出而飲之飛去吾欲

刺腹絞頸而絕恐人議吾君以鳥故令士自殺吾欲買

而代之是不信而欺吾王欲赴他國痛吾兩主使不通

故來受罪楚王曰善

史記

始元元年黃鵠下建章宮太液

池中

漢書

桓榮祖善彈見翔鵠雲中彈其兩翅毛脫盡墜

地無傷養毛生乃去

宋書

謝昌寓性甚孝家常養一鵠昌

寓病二旬而鵠二旬不食昌寓亡而鵠遂飛去

南史

傳記黃鵠出東海漢以其來集為祥

廣志

王子喬於緱氏

山乘白鵠舉手謝時人而去

陵陽子安死葬山下有

黃鵠來栖冢邊樹鳴聲呼安安

列仙傳

東華夫人宮中有

華池玄鷺素鵠翔泛其中

廣記

田饒事魯哀公而不見察

曰臣將去君黃鵠舉矣

韓詩外傳

揚州獻黃鵠雛五徙之于

玄武池

崔鴻十六國春秋

鵠生百年而紅五百年而黃又五百

年而蒼又五百年而白壽三千歲矣

述異記

集寧與黃鵠比翼乎

黃鵠之一舉兮睹山川之紆曲

再舉兮見天地之圓方

楚詞

黃鵠飛兮下建章羽肅肅兮

行踳踳金為衣兮菊為裳自顧薄德兮愧爾嘉祥

武帝黃鵠

歌黃鵠摩天極高飛

魏武樂府

其中有鴻儔鵠侶

蜀都賦

本朝黃鵠製金衣翩翩能遠飛擇侶共棲息終年脩羽
儀朝下玉池飲暮宿霜桐枝徘徊且垂翼會有秋風時

六一

一夜心逐南飛鵠

水光兼竹靜時有獨立鵠

固應千頃池養此一雙鵠

東坡

鶴

經鳴鶴在陰其子和之

易

鶴鳴于九臯

詩

狄人伐衛衛

懿公好鶴鶴有乘軒者將戰國人授甲者皆曰使鶴鶴

實有祿位余焉能戰

左傳

子鶴脰雖長斷之則悲

莊子

史嵇紹昂昂然若野鶴之在雞羣 成都王穎以陸機

參大將軍事孟玖譖機有異志穎大怒使孫秀收機機

嘆曰華亭鶴唳豈可得聞乎遂遇害於軍中

晉書

庾域母

好鶴唳域營求不急一旦雙鶴來下論者以為孝感所

致

梁書

天寶中華陰郡奏白鶴見於西嶽五福峯

至德

中肅宗降誕之辰有白鶴飛舞於殿宇

唐書

傳記鶴善鳴鳥

集韻

鶴知夜半

春秋說題辭

立夏清風至而鶴

鳴

易通卦驗

西海之外有鶴國人壽三百歲日行千里如飛

神異經

白鶴性警白露降即鳴

風土記

鶴陽鳥也稟金火之

氣以生三年頂赤七年善飛又七年十二時鳴六十年

鰲毛生泥不能汚一百六十年雌雄相視而孕一千六

百年不食而胎生仙人之騏驥也其相以長頸脩疎則

善鳴龜背鼈腹則能舞

鶴經

衡山紫蓋峯清天明景輒有

雙鶴迴翔其上

荊州記

滎陽郡有蘭岩常有雙鶴日夕偶

影翔集傳云昔夫婦俱隱化成此鶴

神異記

青田有一雙

白鶴年年生一子長大便去唯父母常在

永嘉郡記

鶴者是

九轉還丹使

茅君傳

玄鶴者知音樂之節

黃帝習崑崙

以舞衆神玄鶴二八翔其右

孫氏瑞應圖

周昭王時塗脩國

獻丹鶴

拾遺記

天子至於巨蒐獻白鶴之血以飲

穆天子傳

陶

侃丁母艱在墓下有二客來弔儀形鮮異遣看之但見

雙鶴飛去

別傳

衛濟川養六鶴日以粥飯啖之三年識字

濟川檢書皆使鶴銜取之無差

金城記

蘇仙公仙去後有

白鶴來止城樓人或彈之鶴以爪攫樓板書云城郭雖

是人民非三百甲子一來歸吾是蘇君彈何為

廣記僧支

道林好鶴有遺其雙鶴者林乃鍛其翮鶴反顧視之如

似懊喪意林曰既有凌雲之姿何肯為人作耳目近翫

乎養令翮成而放去之

世說

彭淵材嘗蓄兩鶴客至誇曰

凡禽卵生此禽胎生語未畢園丁報曰鶴夜產一卵淵

材呵曰敢誇鶴耶俄頃展頸伏地忽誕一卵淵材嘆曰

鶴亦敗道吾乃為劉禹錫嘉話所誤

墨客揮犀

鶴曰仙客

談苑

集鍾浮曠之艷質抱清迴之明心晴含丹而星耀頂

凝紫而煙華引圓吭之纖婉頓脩趾之洪嫵疊霜毛而

弄影振玉羽而臨霞 唳清響於丹墀舞飛容於金閣

始連軒以鳳蹠終宛轉而龍躍 入衛國而乘軒出吳

都而傾市

鮑昭賦

借問盧耽鶴西飛幾歲還 黃鶴振玉

羽 獨立窺浮雲其心在寥廓 獨鶴思凌厲 冥鶴

吟清唳

李白

出塵皆野鶴 老鶴萬里心 歸美遼東鶴

摩霄鶴數羣 翩躚山頂鶴 王喬鶴不羣 仙鶴

下人間獨立霜毛整

杜詩

鶴鳴楚山靜

柳集

鶴有不羣者飛

飛在野田餓不啄腐鼠渴不飲盜泉

白居易

秋霄一滴露

聲聞林外天

元稹

正憐標格出華亭況是昂藏入相經

韓偓

本朝林逋隱孤山蓄兩鶴常泛小艇遊西湖客至則一

童子開籠縱鶴良久逋必棹小船而歸蓋常以鶴飛為

驗也

筆談

上霄降靈氣鍾此千年禽

頡頏紫霄垠飄颻

滄浪潯岳港有仙姿鈞韶無俗音毛滋月華淡頂粹霞

光深獨翅聳瓊枝羣舞傾瑤林高材自喜凌雲格

俗耳誰思警露聲

六一集

明公真愛鶴相鶴選仙骨遂令

千里姿為君軒墀物

劉貢父

況有能言老令威猶將緇布

綠深衣

東坡鶴集其上人或欲射之

續搜神記遼東城門華表柱忽有一白鶴空中歌曰有鳥有鳥

丁令威去家千里今來歸城郭如故人民非何不學仙塚累累

鶴閒雲作氍

園中有

鶴馴可呼我欲呼之立坐隅鶴有難色側睨予豈欲應

對如鵬乎我生如寄良畸孤三尺長頸闊瘦軀俛啄少

許便有餘何並以身為子娛驅之堂上立須臾投以餅

餌視若無戛然長鳴乃下趨難進易退我不如時夜

將半四顧寂寥忽有孤鶴橫江東來玄裳縞衣戛然長

鳴掠余舟而西也

東坡

風散又成千里去夜寒應上九天

栖

山谷

孔雀

史蜀賓國出孔雀

漢書

西域條支國出孔雀

續漢書

文帝與

朝臣詔曰前于賓王所上孔雀尾萬枚文采五色以為

金根車蓋遙望耀人眼

魏志

世祖時西域獻孔雀解人語

彈指應聲起舞

晉書公卿贊

龜茲國地多孔雀

後魏書

射孔雀

屏

唐書詳見皇后類

傳記火離為孔雀

元命苞

南方多孔鳥

山海經郭璞曰孔雀也

義寧

縣杜山多孔雀止以音影相接便有孕

南越志

雲南郡出

孔雀常以二月來翔月餘而去

華陽國志

孔雀其大如鴈而

足高毛皆有斑文采拍手則舞

孔雀自背及尾皆作

圓文五色頭戴三毛長寸以為冠足有距迎晨則鳴相

和

異物志

孔雀人指其尾則舞

交州異物志

交趾郡人多養孔

雀或遺人以為口腹或殺之以為脯腊採其金翠毛裝

為扇拂或生截其尾以為方物云生取則金翠之色不

減耳

嶺南異物志

孔雀自喜其尾而甚妬凡欲山栖必先擇

其置尾之地然後止焉山谷夷民烹而食之解百毒土

人取其尾者持刀於叢篁幽隱之處伺其過急斷其尾

若回首一顧金翠無復光彩矣

紀聞

孔雀有九德一顏貌

端正二音聲清徹三行步庠序四知時而行五飲食知

節六常念知足七不分散八少嫪九知反覆佛以此喻

比丘之行儀也

魯一經

孔君平指楊梅示楊脩曰此君家

果脩曰未聞孔雀是夫子家禽

金樓子詳見楊梅類

集孔蓋兮翠旌

楚辭

戴脩尾之翹翹若順風而揚麾

鍾會賦

孔雀未知牛有角渴飲黃泉逢飮觸赤霄玄圃須往來

翠尾金花不辭辱

杜詩

項毳落殘碧尾花銷暗金

白居易

穆

穆鸞鳳友何年來止茲

翠色高獨聳金華煥相差

韓集

本朝置從南海枕榔林籠入西川鸚鵡地聳觀翕翼脩

尾張鱗鱗團花金縷翠一身燦爛文章多引聲笙竽柰

老何

梅聖俞

翡翠

經鄭子臧好聚鵲冠

左傳

史尉佗獻文帝翠鳥千頭

漢書

薛琮上疏曰日南遠致翡

翠充備寶玩

異志

傳記翠鵲也

爾雅

神靈滋液則翠羽曜

孝經援神契

翡翠青赤

雀也

說文

翠鳥似燕翡赤而翠青其羽可以為飾

異物志

翡

翠出九真頸黑腹下赤青縹色

交州記

集孔蓋兮翠旌

楚辭

拾翠羽

洛神賦

翡翠戲蘭苕容色更相

鮮

文選

翠雀鵲鳥越在南海羽不供用肉不足宰懷璧其

罪賈害以采郭璞旖旎光首飾歲時爛錦衾翠羽生南

海陳子昂翡翠黃金縷綉成歌舞衣李白翡翠鳴衣珩越

裳翡翠無消息江上小堂巢翡翠竹高鳴翡翠

或看翡翠蘭苔上杜詩

鸚鵡

經鸚鵡能言不離飛鳥記

子鸚鵡能言而不可使長官是得其所言不得其所以

言淮南子

史漢獻帝詔曰往者益州獻鸚鵡三枚夜食三升麻子

今穀價騰貴此鳥無益有損可付西將軍楊定國令歸

本土

漢書

南平王鑠上赤鸚鵡詔羣臣為賦袁淑作賦畢

賈以示謝莊莊賦亦竟淑見而嘆曰江東無我卿當獨

秀我若無卿亦一時傑也

沈約宋書

宋大明三年婆皇國獻

赤白鸚鵡

梁天監元年交州獻能歌鸚鵡

南史

杜正玄

舉秀才會林邑獻白鸚鵡楊素促召作賦援筆立成

隋書

貞觀中陀洹國王獻白鸚鵡頭上有紅毛數十垂與翅

齊并五色鸚鵡各一 玄宗有五色鸚鵡能言上命左

右試牽御衣鳥輒瞋目叱咤

唐書

傳記黃山有鳥焉其狀如鸚青羽赤喙人舌能言名曰

鸚鵡

鸚鵡慧鳥栖林啄藥

山海經

扶南東漲海中有洲

出五色鸚鵡曾見其白者如母鷄

廣志

有鸚鵡飛集山中

禽獸輒相愛重後山中大火鸚鵡入水沾羽飛而洒之

天神嘉感即為滅火

宣驗記

張華有一白鸚鵡華每行還

鳥輒說僮使善惡公後在外令喚鸚鵡曰昨夜夢惡不

出戶公猶強之至庭為鷓所搏教其啄鷓脚僅而獲免

異苑開元中嶺南獻白鸚鵡上及貴妃皆呼雪衣女以近

代詞臣詩篇授之數遍便能諷誦一日忽語曰雪衣娘

昨夜夢為鷓鳥所搏將盡於此乎果為鷹所斃上命瘞

於苑中呼為鸚鵡塚明皇雜錄明皇封鸚鵡為綠衣使者開元

天寶遺事許漢陽舟行迷入一溪夾岸皆花苞忽一鸚鵡喚

花開一聲花苞皆拆中有美女長尺許能笑言廣異記

集紺趾丹嘴綠毛翠衿體金精之妙質含火德之明

輝

補衡賦

同朱味之清音變綠衣於素綵

王維賦

紅腹頰足

玄頷翠項

相玄賦

落羽辭金殿孤鳴托繡衣能言終見棄

還向隴山飛

李白

香稻啄餘鸚鵡粒

鸚鵡啄金桃

鸚

鵲含愁思聰明憶別離翠衿渾短盡紅嘴謾多知避

籠交翠尾礪嘴淨新毛

杜詩

身囚緣綵翠心苦為分明暮

起歸巢思春多憶侶聲

白居易

養來鸚鵡嘴初紅宜在朱

樓繡戶中

誰遣聰明好顏色事須安置入深籠

劉禹錫

莫恨雕籠翠羽殘江南地暖隴西寒勸君不用分明語

語得分明出轉難

羅隱

本朝蔡確貶新州侍兒名琵琶每扣響板鸚鵡傳呼其

名琵琶卒後誤觸響板鸚鵡猶傳呼不已公悒悒不樂

有詩云鸚鵡言猶在琵琶事已非傷心瘴江水同渡不

同歸

詩話

黃冠黑距人語言有烏玉衣尤皎潔

六一集

鸚鵡

才言便關鎖

山谷

玉鎖閑拘束金籠不自由

梅聖俞

聖

鷹

經維師尚父時維鷹揚

詩

仲春鷹化為鳩

季夏鷹乃

學習

孟秋鳩化為鷹

記

如鷹鷂之逐鳥雀也

爽鳩

氏司寇也注云爽鳩鷹也

左傳

史邳都為濟陽太守號為蒼鷹

漢書

呂布因陳登求徐州

牧不得布怒登喻之曰登見曹公言待將軍譬如養虎

當飽其肉不則噬人公曰否如養鷹饑則為用飽則颺

去布乃解

魏志

虞潭會沈充等逼京師潭起義軍至上虞

有野鷹飛集屋梁衆懼潭曰起大義而剛鷲之鳥來破

賊必矣後如其言

晉書

太宗初傳位舊苑中有籠鷹悉斷

聯任去 李大亮有佳鷹太宗遣使至使者諷令獻鷹
大亮密表云陛下久絕田獵而使求鷹若是陛下之
意深乖昔旨如其自擅便是任使非人太宗嘉歎賜之
金壺唐書沙州節度使張義潮進甘峻山青骹鷹四聯唐書

傳記瑤光星散為鷹

春秋運斗樞

金伐木故鷹擊雉

春秋考異郵

鷹鵟

郭璞注曰鵟當為鵟

鷹隼醜其飛也

爾雅

鷹者驚殺之鳥

易通卦驗

有雉鷹有兔鷹一歲為黃二歲為撫三歲為青胡

鷹獲麋出廬江

廣志

鷹棲茂樹候雀往來

焦贛易林

楚文王好

獵有人獻一鷹爪距神爽殊絕常鷹獵於雲夢俄而雲

際有一物凝翔鮮白不辨其形鷹便踈翮而升蠢若飛

電湏臾羽墮如雪血下如雨有大鳥墮地度其兩翅大

數十里衆莫能識時有博物君子曰此大鵬雛也

幽明錄

李亮好逐雉兔其鷹有青翅黃眸青冥金距之屬

西京雜記

或問張元一曰蘇味道王方慶孰賢答曰蘇九月得霜

鷹王十月被凍蠅

金載

集疎尾闊臆高髻圓顙深目蛾眉狀似愁胡曲嘴短頸

足若雙枯

孫楚賦

惟茲禽之化育實鍾山之所生資金方

之猛氣擅火德之炎精立如植木望似愁胡嘴同劍

利脚等荊枯亦有白如散花赤如點血大文若錦細斑

似纈眼類明珠毛猶霜雪身重若金爪剛如鐵或復頂

平似削頭圓如卵臆闊頸長筋麓脰短翅厚肉勁髀寬

肉緩求之事用俱為絕伴

魏孝深賦

皓如練色斑若綵章積

雪全映飛花碎點所謂金氣之英瑤光之精高髻偉臆

長距秀頸奮發而銳堅剛則厲摩天絕海雷擊颺逝觀

其行時令順秋殺指揮應捷顧盼餘雄當落鵬之賞茂

仇鷄之敵實稀代之尤也

蘇頌雙白鷹贊

八月秋風高胡鷹白

錦毛孤飛一片雪百里見秋毫何時騰風雲搏擊中

所能胡鷹拂海翼翱翔鳴素秋

李白

代地有豪鷹生子

毛盡赤金眸玉爪不凡才雲飛玉立盡清秋正

翻搏風超紫塞搜身思狡兔側目似愁胡何當擊

凡鳥毛血洒平蕪

杜詩

鷹翅疾如風鷹爪利如錐

白居易

雲

披霧裂虹蜺，斷霹靂掣電梢。平岡砉然勁，翮剪荆棘下。

攫狐兔，騰蒼茫。

集柳

綠玉嘴，啗鷄腦。破玄金爪，擘兔心開。

都緣解搦生靈物，所以人人道俊哉。

劉夢得

本朝和魯公有觀畫鷹獵兔詩云：雖是丹青物，沉吟亦

可傷。君誇鷹眼疾，我憫兔心忙。豈動騷人興，惟增獵客

狂。蛟綃百餘尺，爭及製衣裳。范文正公曰：真仁人之言。

也。

詩話

劍翎鈎爪，目如電利。吻新淬龍泉鋒，爾能搏兔。

不能食，未飽中腸。行復擊主人厭兔，爾尚饑。一生不悟。

為人役

宛丘

隼

經公用射隼于高墉之上

易

鴻彼飛隼

詩

傳記隼鵠屬也或謂之題肩春化為布穀者是也

詩義疏

陰陽氣貪故題肩擊

春秋考異郵

仲尼在陳有隼集于陳侯

之庭而死楛矢貫之石砮其長尺有咫陳惠公使以隼

如仲尼之館問之仲尼曰隼之來也遠矣此肅慎氏之

矢也

國語

鵠擊之鳥通呼曰隼

文選注

鵬

經匪鵠匪鳶翰飛戾天注云鵠鵬也

詩

史秦王幹善弓馬以一箭而下雙鵬軍中號為落鵬都

尉

後魏書

斛律光嘗從世宗校獵見一大鳥引弓射之旋

轉至地乃大鵬也當時傳號落鵬都督

北齊書

後周長孫

晟與突厥嘗共遊獵有二鵬飛而爭肉晟乃彎弓一發

而雙貫焉

隋書

傳記鷲黃頭赤目五色皆備一曰鵬

說文

春山爰有青鵬

執犬豕食鹿

穆天子傳

張九齡裴耀卿罷相李林甫處其中

揚揚自得觀者竊謂一鵬挾兩兔

明皇雜錄

裴延齡輕躁朝

廷懼之嘗畫一鵬羣鳥噪之以獻上知衆怒益信之

國史

補

集皂鵬寒始急

杜詩

本朝安得萬里沙晴天看射鵬

山谷

鶚

經關關雎鳩疏云一名王雎一名雕鵠江東呼為鶚

詩

史鄒陽諫吳王曰臣聞鷩鳥累百不如一鷩

漢書

傳記鷩金喙鳥也見則天下兵能擊殺麋鹿

倉頡解詁

集鷩鷩在秋天

鷩鷩乘時去

鷩鷩離風塵

杜詩

關關

黃金鷩大翅搖江煙下見盈尋魚投身避紅蓮

劉夢得

本朝清秋一鷩上拭目萬人看

后山

鷩

史武德初孫伏伽上表諫曰陛下二十日龍飛二十一

日有獻鷩雛者此乃前朝之弊風少年之事務太宗

得鷄絕俊異私自臂之望見魏徵乃藏於懷徵奏事故
久不已鷄竟死懷中 楊德幹為萬年令有宦官放鷄

不避人禾稼德幹擒而杖之悉拔其鷄頭 史興宗從

獵苑中言晉州出佳鷄可捕取帝曰劉齊賢宜捕鷄人

耶安得以此待之

唐書

傳記鷄負鵲注云鷄鷄也

見爾雅

魏公子無忌方食有鳩

飛入案下一鷄在屋上飛公子乃縱鳩鷄逐而殺之公

子曰鳩避患歸無忌竟為鷄所得吾負之為吾捕得此

鷄者無忌無所愛於是捕得鷄三百餘頭公子乃按劍

至其籠上曰誰獲罪無忌耶一鷄獨低頭乃取殺之

列士

傳

論衡曰鷄有千數擊鳥飛去安可復得哉或是捕鷄者折其頸也

李亮好逐雉兔有

從風鷄孤飛鷄

西京雜記

鷄子兩翅各有復翎左名撩風右

名撩草帶雨翎出獵必當獲

雜俎

鷓鴣

史北齊文宣謂王思好曰爾擊賊如鷓鴣入鴉羣

北齊書

元

和四年回紇遣使者請改為回鷓鴣義取回旋輕健如鷓

八年湔青節度使李師道進鵲十二命還之

唐書

傳記岐王有北山黃鵲賜名決雲兒

開元天寶遺事

集有鵲曰鵲者巢于長安薦福浮圖冬日之夕是鵲也
必取鳥之盈握者完而致之以燠其爪掌左右易之旦
則執而上浮圖之跂焉者縱之延其首以望極其所如
住必背而去之焉苟東矣則是日也不東逐西南北亦
然嗚呼孰謂爪吻毛翮之物而不為仁義器耶

柳文

陰崖

有蒼鷹養子巢栢巔白蛇登其巢吞噬恣朝飧雄飛遠

求食雌者鳴辛酸力強不可制黃口無半存其父從西
歸翻身入長煙斯須領健鶻痛憤寄所宣丰上捩孤影
噉哮來九天脩鱗脫遠枝巨顙折老拳高空得蹭蹬短
草辭蜿蜒折尾能一掉飽腸皆已穿生雖滅衆雛死亦
垂千年物情有報復快意貴目前 颯爽動秋鶻 霜

鶻不空拳

杜義
鶻行

本朝獨愛孤棲鶻高超百尺風 橫飛應自得遠颺似
無貪 墜翮遊霄漢無心顧雀鷁 東坡依倚秋風氣象豪

似思燕雀在蓬蒿不知羽翼青冥上腐鼠相隨勢亦高

王介甫

鳶

經鳶飛戾天

詩

前有塵埃則載鳴鳶

記

史蕭確嘗從侯景出獵見飛鳶景命射之莫能中確射之應弦而落

梁書

崔彭善射達頭可汗遣使曰請得崔將

軍一與相見遂遣之可汗召善射者數十人因擲肉於

野以集鳶射之多不中彭連發數矢皆應弦而落

隋書

傳記鳶鳥醜其飛也翔爾雅馬援擊交趾下潦上霧毒氣

上蒸仰視鳥鳶跼跼墮水中東觀記永和九年吳郡獻白

鳶

晉中興書

集鳶飛杳杳青雲裏 鳶鳴蕭蕭風四起劉禹錫

本朝瞻飛落海鳶六一集愁鳶蹲落景 鳶貪聲最鄙東坡

吟作飢鳶聲后山

鴻

經初六鴻漸于干六二鴻漸于磐九三鴻漸于陸

六四鴻漸于木九五鴻漸于陵

易

鴻飛遵渚鴻飛遵陸

詩

孟春鴻鴈來季秋鴻鴈來賓

前有車騎則載飛鴻

記衛獻公戒孫文子甯惠子食日旰不召而射鴻於圃

左傳

子桓公曰寡人有仲父猶飛鴻之有羽翼也

管子

鴻飛冥

冥弋人何慕焉

揚子

鴻不學飛飛則冲天

蔣子

鴻鵠之轂羽

翼未合而有四海之心

尸子

史陳涉曰燕雀安知鴻鵠之志哉

史記

傳記齊使獻鴻於楚鴻渴使者於道飲鴻而失之使者至楚曰臣欲亡去為兩使不通欲拔頸而死將以吾君

賤士貴鴻也楚王賢之

韓詩外傳

集淮南子云東歸碣石違溽暑也平子賦云南寓衡陽

避祁寒也若其雅步清音遠心高韻鵷鸞已降罕見其

儔而鍛翮墻陰偶影獨立唼喋秕稗鷄鶩為伍不亦傷

乎

盧思賦

弋者何所慕高飛仰冥鴻舉手指飛鴻比情

難具論

飛鴻辭北溟

李白

霜鴻有餘哀

背若孤征鴻

杜哀鴻鳴清耳

韓集

呌呌羈鴻哀

天高數鴻鳴
杳杳

歸鴻吟

柳集

本朝稻梁雖可戀
吾志在冥鴻
離鴻獨高翔
回首

羨南鴻

翻鴻落浦晴

六一集

幽人隱几寂無語
心在征

鴻滅沒間
人似秋鴻歸有信
塞鴻正欲摩天去

天靜傷鴻猶戢翼

東坡

起看冥飛鴻
乃在天宇空
仰視

雲空鴻鵠舉

山谷

鴈

經雖雖鳴鴈

詩

季冬鴈北鄉

記

曹伯陽好田弋公孫彊

獲白鴈獻之且言田弋之說

左傳

子昨日山中之木以不材得終其天年今日主人之鴈以不材死

莊子

夫鴈從風以愛氣力銜蘆而翔以備弋繳

淮南

子

史蘇武在匈奴中昭帝遣使通和常惠夜見漢使使謂單于曰天子射上林中得鴈足有繫帛書言武等在某澤中使者如其言單于大驚乃遣武還太始三年獲

赤鴈作朱鴈之歌

宣帝於西河築世宗廟告祀有五

色鴈集殿前

漢書

皇甫規解官歸安定鄉人有以貨得鴈

門太守者亦去職還家書刺謁規臥不迎既入而問

卿前在郡食鴈美乎

後漢書

隋將史萬歲從梁士彥軍次

馮翊見羣鴈飛來萬歲謂士彥曰請射行中第三者射

之應弦而落

北史

朱漢賓射一飛鴈正中其臆臆上貫一

金錢有篆文皆無識者人皆號為朱落鴈

晉文

貞元十年

同州獻五色鴻

唐書

傳記凡贄大夫用鴈鴈有行列故為贄

春秋繁露

贄用鴈者

取隨時南北不失其節

白虎通又說苑曰取其有長幼之禮

自關而東謂

鴈鳴鵠南楚之外謂之鵠或謂之倉鳴

方言

梁州縣界有

鴈塞山傳云此山有大池水鴈棲集之因名鴈塞

梁州記

沮陽縣西北有鴈浮山鴈南翔北歸徧經其上

荊州圖記

鴈

門山鴈出其間在高柳北

山海經

衡州有回鴈峯鴈至此

不過遇春而回

衡陽志

孔子之衛衛君與孔子語見飛鴈

過而仰視之色不在孔子孔子乃逝

家語

集唼流牽弱藻斂翮帶餘霜

沈約

胡鴈飛鳴辭燕山昨發

委羽朝度關 客居煙波寄湘吳凌霜觸雪毛體枯

鴈渡瀟湘煙 雪照聚沙鴈 白鴈從中來飛鳴苦難

聞足繫一書札寄言嘆離羣離羣心斷絕一見花成雪

李落鴈浮寒水 宿鴈起圓沙 歸鴈喜青天 邊秋

一鴈聲 君看隨陽鴈各有稻粱謀 遙空秋鴈滅

一聲何處送書鴈 旋鴈上雲歸紫塞 北鴈塞聲微

九秋驚鴈序 萬里衡陽鴈今春又北歸 欲雪違

胡地先花別楚雲 孤鴈不飲啄飛鳴聲念羣誰憐一

片影相失萬重雲

杜詩

去寒就暖識處所天長地闊棲息

稀 凌雲一舉君謂何

韓集

正是峯前回鴈時

柳集

戰蒲知

鴈唼

李義山

仙掌月明孤影過長門燈暗幾聲來須知胡

騎紛紛在豈逐春風一一迴

杜牧

本朝來時沙磧已冰霜飛過江南木葉黃水濶天低雲
暗澹朔風吹起自成行 陽城淀裏新來鴈赴伴南飛
逐越船野岸柳黃霜正重五更驚破客愁眠 夜聞歸

鴈生鄉思

歲晚江湖同是客莫辭伴我更南飛

六一集

北鴈來南國依依似旅人縱橫遭折翼感惻為霑巾

衆禽自紛爭野鴈獨閒潔先鳴獨鼓翅吹亂蘆花雪

碧天無際鴈行高鴻鴈破江雲萬里梧桐卷露一

床銀我自飄零是羈客更堪秋晚送行人

東坡

落鴈帶邊

聲

山谷

寧為寶箏柱肯作置書郵

固違陰嶺雪不盡洞

庭春市遠無矰繳年豐足稻粱中原有佳氣不必到

衡陽

後山

鶯

經黃鳥于飛集于灌木其鳴啾啾 睨睨黃鳥載好其

音 春日載陽有鳴倉庚 倉庚于飛熠燿其羽 伐

木丁丁鳥鳴嚶嚶出自幽谷遷于喬木嚶其鳴矣求其

友聲 綿蠻黃鳥 詩 仲春倉庚鳴 記

傳記離黃倉庚也鳴則蠶生 說文 黃麗留也或謂黃栗留

幽州謂之黃鶯或謂之黃鳥一名倉庚一名商庚一名

鶯黃一名楚雀齊人謂之搏黍關西謂之黃鳥此乃應

節趣時之鳥或謂之黃袍

詩義疏

明皇於禁苑中見黃鳥

呼為金衣公子

開元天寶遺事

戴顓春攜雙柑斗酒日往聽黃

鸝聲此俗耳鍼砭詩腸鼓吹

高隱外書

頃年有人取黃鸝雛

養於竹籠中其雌雄繚繞飛鳴一投火中一觸籠而死

剖腹視之其腸寸斷

玉堂閒話

每妬流鶯於綺叢

廣記

鶯聲巧

作煙花主人

贊錄

集宮鶯嬌欲醉

上有好鳥相和鳴間關早得春風情

千門萬戶皆春聲

新鶯飛繞上林苑願入簫韶雜

鳳笙 碧樹鳴黃鸝

春風語流鶯

黃鸝啄紫椹

李白

黃鳥喧嘉音

嚙枝黃鳥近

鶯嚙皇州春色闌

鶯

歌暖正繁

便覺鶯語太丁寧

兩箇黃鸝鳴翠柳

豈有黃鸝歷翠微

竟日鶯相和

春日鶯啼脩竹裏

隔葉黃鸝空好音

花宴鶯梢蝶

宮鶯罷嚙春

杜詩

早晚飛來入錦城誰人教解百般鳴春風紅樹驚眠處

似妬歌童作艷聲

麥黃韻鸝鷀

韓集

不意忽有黃鸝鳴

一聲夢斷楚江曲

翻日迴度昆明飛凌風斜看細柳

肅

柳集

欲轉不轉意自嬌羌兒弄笛曲未調前聲後聲不

相及秦女學箏指猶澁

韋應物

曉睡朦朧百轉鶯

溫庭筠

鶯

啼如有淚為濕最高花

會與秦樓鳳俱聽漢苑鶯

李義山

山

本朝暖入鶯篁舌漸調

喬木成陰百轉鶯

六一集

最好

聲音最好聽似調歌舌更叮嚀高枝拋過低枝立金羽

脩眉黑染翎

梅聖俞

野花吹盡竹娟娟尚有黃鸝最可憐

姪姪不知緣底事背人飛過北山前

王介甫

黃鳥懷好音

秋菊染春衣 黃鳥在幽谷 韜光養羽儀 晴風曜桃李

言語自知時

山谷

曉寒顧影惜金衣 著意聽時不肯啼 飛

入柳陰多處去 數聲只許落花知

誠齋

燕

經燕燕于飛 差池其羽 下上其音 天命玄鳥降而生

商

詩

仲春玄鳥至

記

猶燕之巢於幕上也 玄鳥氏司

分者也

左傳

子未鳥翩翩歸而肆矣

揚子

史帝嘗少妃簡狄以春分日祠于高禪有玄鳥遺卵簡

狄吞之生契

史記

丞相薛宣對曰茂陵寢上巳日玄鳥來

集吐所含大豆紫黑色翱翔殿上此降下永與天無極

天下幸甚

漢書

襄陽衛敬瑜妻年十六敬瑜亡父母舅姑

欲嫁之女截耳自誓所住戶有燕巢常雙來去後忽孤

飛女以紅縷繫燕足為誌後歲此燕來猶帶前縷女為

詩曰昔年無偶去今春猶獨歸故人恩既重不忍復雙

飛侯藻嘉其節題曰貞義衛婦之門

南史

傳記燕燕鳴也

爾雅

燕一名天女一名摯鳥

古今注

瑤光星

散為燕

春秋運斗樞

溷泥為巢聲多稍小者漢燕陶隱居注

本草云紫胷聲小者是越燕胷斑黑聲大者是胡燕其

作巢喜長

世說

齊魯之間謂燕為乙作巢避戊己玄中記

云千歲之燕戶北向述異記云五百歲燕生胡髯

雜組

有

娥氏有二佚女為九成之臺帝令燕往視之二女愛而

爭搏之覆以玉筐少遲發而視之燕遺二卵北飛遂不

及二女作歌曰燕往北實始為北音

呂氏春秋

昔魯人有浮

海而失津者至於亶洲見仲尼及七十子使歸告魯侯
築城以避寇魯人以狀告魯侯不信俄有羣燕數萬銜
土培巢魯侯信之大城曲阜訖而齊寇至不克而還

崔江

北涼錄

後魏元道康向月微吟忽聞巢燕呼康字云景怡

康曰爾為禽而語何巢我屋燕曰我為上帝所罰暫為

禽耳以卿盛德故來相依

窮怪錄

唐王謝居金陵航海遇

風抵一洲見翁媼皆皂服引至宮室見王坐大殿曰烏
衣國也命以女妻之謝思歸王命取飛雲軒令謝入其

中閉目少息已至其家但見梁上雙燕呢喃下視謝乃

悟所至乃燕子國也

廣記

集袖中有短書願寄雙飛燕

李陵

玉樓朱閣不復棲金窓

繡戶長相見

豈不戀華屋終愁謝珠簾

李白

江泥輕燕

斜墻燕語留人

嬌燕入簷回

燕舞翠帷塵巢

燕得泥忙

頻來語燕定新巢

秋燕已如客

震雷

翻幕燕

雨燕集深條

紫燕時翻翼

旅食驚雙燕

銜泥入此堂應同避燥濕且復過炎涼

杜甫

朱雀橋邊野

草花烏衣巷口夕陽斜舊時王謝堂前燕飛入尋常百

姓家

劉夢得

低飛綠岸和梅雨亂入紅樓揀杏梁閒几硯

中窺水淺落花徑裏得泥香

鄭谷

本朝攝事初欣社燕迎

六一集

燕入華堂怪未歸

東坡驚飛

賀厦燕

淮南子云大厦成而燕雀相賀

處處定知秋後別年年長向社

前逢行藏似欲追時節豈是人間不見容

王介甫

燕入風

簾舞

聊隨海燕度炎涼

山谷

捲簾通燕子

窺簾燕哺

雛老屋無僧燕作家

畫樓著燕春風裏

陳後山

鳥

經莫黑匪鳥 瞻鳥爰止于誰之屋 具日子聖誰知

鳥之雌雄

弁彼鸛斯

詩

楚幕有鳥

左傳

城上有鳥

同上

子夫馴鳥者斷其下翎則必待人而食焉得不馴乎

韓子

去陰就陽謂之陽鳥鴻鴈是也純黑而反哺者謂之慈

鳥小而腹下白不反哺者謂之鴉白項而羣飛者謂之

燕鳥白脰鳥也鴉鳥鸛也

孔叢子

史朝夕鳥

詳見御史臺類

吏食道旁鳥攫其肉

見太史類

慕容冲之

亂有羣鳥數萬翔鳴于長安城上其聲甚悲不半年有

甲兵入城之事

晉書

成公綏有孝鳥每集其廬舍綏謂有

反哺之德以為祥禽

西魏裴俠年七歲不能言後於

洛城西見羣鳥舉手指之而言遂志識聰慧甚異常童

北史

柳仲郢每遷官羣鳥大集於昇平里第庭樹戟架皆

滿凡五日而散詔下不復集

唐書

傳記鸛斯鴨鵝注云是鳥也又曰鴉鳥小而多聲腹下

白爾雅瑤光星散為鳥

飛翔翮為陽陽氣仁故鳥反哺

春秋運
斗樞

愛其人者愛其屋上烏憎其人者惡其除胥

太公

六
韜
城上有烏自名破家

焦贛
易林

晉文公焚林求介子推有

白鴉遠煙而噪

拾遺

陽顏以純孝著聞後有羣烏銜鼓集

顏所居村烏口皆傷因立縣名烏傷王莽改為烏孝

吳苑

支道林見王子猷兄弟還人問見諸王何如答曰見一

羣白頸烏但聞喚啞啞聲

世說

魏伶為西市丞養一赤嘴

烏每於衆中乞錢銜歸號魏丞烏

朝野
僉載

集烏生八九子端坐秦氏桂樹間

古樂府

黃雲城邊烏欲

棲歸飛啞啞枝上啼 但見悲鳥號古木雄飛雌從遠

林間

李

白飢鳥集城樓

迎棹舞神鴉

夜來歸鳥盡啼

殺後棲鴉

野鴉無意緒鳴噪自紛紛

丈人屋上烏

烏好人亦好

杜詩

烏噪飢不啄

韓集

城上日出羣鳥飛飛鴉

爭赴朝陽枝

柳集

百鳥豈無母爾獨哀怨深要是母慈重

使爾悲不任

慈烏復慈烏鳥中之曾參

白居易

本朝候館噪山鴉

歲熟鴉聲樂

歸路柳暗藏嶠鴉

六一 事將兆而獻忠人反謂爾多凶凶不本於爾爾又

安能凶爾之不告兮凶豈能言說告而先知兮謂凶從

爾出遭人唾罵於時不容復遭彈類驅逐西東

梅聖俞

爾之為禽兮何不高翔而遠翥何為號呼于人兮告吉

凶而逢怒

范文正

夕陽楓葉見翻鴉

暮樹號寒鴉

江

風初涼睡正美樓上啼鴉呼我起

孤雲落日西南望

長羨飛鴉自識村

東坡

鵲

經維鵲有巢維鳩居之

鵲之疆疆

防有鵲巢

詩

季

冬鵲始巢 烏鵲之巢可俯而窺也 記

子莊周遊乎雕陵之樊覩一異鵲自南方來感周之顓

而集栗林

莊子

鵲巢知風之所起

鴈北嚮鵲始加巢

淮南

子

史徐羨之拜司空有雙鵲於太極殿東鵲尾鳴喚

宋書

永落與張子信對坐有鵲鳴於庭樹子信曰鵲言不善

有口舌事今夜有喚必不得往至夜高儼使召永落且

云敕喚永落稱墮馬脚折遂免於難

北齊書

大歷八年乾

陵上仙觀三尊殿有雙鵲銜柴及泥補葺殿之隙壤凡一十五處 貞元四年中書省梧樹上有鵲以泥為巢

唐書

傳記鵲者陽鳥先物而動先事而應見於風木之象

易通

卦鵲知太歲之所在博物志云鵲巢皆背太歲此非才

智任自然耳淮南子曰鵲識歲多風去喬木巢傍枝

說文

千鵲噪而行人至

廣記

鵲一名神女

古今注

崑山之旁以玉

璞抵烏鵲

鹽鐵論

章帝永寧元年條支國進鳩鵲高七尺

其國太平鳩鵲羣翔

拾遺錄

鵲巢中必有棘雀圓相公妻

於後園見二鵲構巢共銜一木安巢中俗言見鵲上梁

必貴

雜俎

黎景逸居空青山有鵲巢其側後繫南康獄其

鵲止於獄樓向景逸似傳語之狀其日傳有赦官司詰

其由來云路逢衣素衿人所說三日赦至

僉載

集月明星稀烏鵲南飛遶樹三匝無枝可棲

曹操

五色雲

間鵲飛鳴天上來

李白

今日烏鵲喜欲報凱歌歸

門鵲

晨光起

杜詩

鵲鳴聲楂楂

家人祝喜鵲

韓集

本朝鮮鮮毛羽耀朝暉紅粉牆頭綠樹枝日暖風輕言
語軟應將喜報主人知

六一集

月明驚鵲未安枝柯侯

古循吏悃悃真無華仁心格異族兩鵲巢其衙但恨不
能言相對空楂楂

東坡

雀

經誰謂雀無角何以穿我屋

詩

雀入大水化為蛤

記

子一雀適羿羿必得之以天下為之籠則雀無所逃

以隋侯之珠而彈千仞之雀

莊子

萬雀不能抵一鷹

抱朴子

史楊由少習易有大雀夜集庫樓上太守廉范以問由

對曰郡內當有小兵後廣柔縣蠻夷反殺傷長吏

後漢書

潘岳初生有一雀止其母左肩占者咸言富貴之徵

北史

開元二十二年渝關蟲食田稼蔓延入平州俄頃有羣

雀來食此蟲一日食盡平州稼無傷者

唐書

傳記立夏雀子飛

易通卦驗

明珠彈雀貴不當也

太玄經

雀一

名嘉賓

古今注

莊辛謂楚王曰夫雀仰棲茂樹鼓翅奮翼

自以為無患不知夫公子王孫左挾彈右攝丸以加其

頸也

戰國策

孔子見羅者所得雀皆黃口也孔子曰黃口

盡得大雀獨不得何也羅者對曰黃口從大雀者不得

大雀從黃口者得孔子顧謂弟子曰君子慎所從

家語

城魏肇之初生有雀飛入其手占者以為封爵之祥

異苑

楊宣為河內太守行縣有羣雀鳴桑樹上宣曰前有覆

車粟此雀相隨欲往食行數里果有覆車粟

益部耆舊傳

集噉噉空城雀身計何戚促

李白

啁雀爭枝墜

雀啄柳

花黃

黃雀飽野粟羣飛動荆榛

離雀暮喧繁

杜詩

雀飛簷楹

韓集

本朝低昂枝上雀搖蕩花間雨
亂雀啁叢棘霜葉

投空雀啁籬

東坡

雀喜宮成自相賀
寒雀四顧驚風枝

山谷百千寒雀下空庭
小集梅梢話晚晴
特地作團喧殺

我忽然驚散寂無聲

誠齋

鳩

經宛彼鳴鳩

詩

仲春鷹化為鳩
季春鳴鳩拂其羽

記

史管輅至郭恩家有飛鳩
來在梁頭鳴甚輅曰當有老

公從東方來候豚一頭酒一壺主人雖喜當有小故明日果有客如所占而射鷄作食箭從樹間繳中數歲女

子流血驚怖

魏志

傳記長安張氏有鳩自外入戶內張氏祝之曰鳩為禍耶飛上承塵為福耶來入我懷鳩飛入懷以手探之得一金帶鉤焉自是之後子孫昌盛資財萬倍

搜神記

集白鳩之白誰與隣霜衣雪襟誠可珍首農政鳴陽

春

李

白春鳩鳴不停

鳩鳴暮求羣

韓集

本朝天將陰鳴鳩逐婦鳴中林鳩婦怒啼無好音天雨
止鳩呼鳩婦鳴且喜婦不亟還呼不已逐之其去恨不
早呼不肯來固其理 斑然錦翼花簇簇雌雄相隨樂
不足抱雛出卵翅羽成豈料一朝還反目人言嫁鷄逐
鷄飛安知嫁鳩被鳩逐 麥隴已深鳩喚雨 春原洗
新霽綠葉暗朝日鳴聲相呼知應答如吹律 誰言鳴
鳩拙無用雄雌各自知陰晴六一集 夢裏鳴鳩喚雨來東坡

鷓鴣

傳記張九齡家養羣鴿每與親知書繫鴿足上飛往投

之目為飛奴

開元天寶遺事

集選見窓中鴿日暮遶庭飛

韋蘇州

本朝宗汝得一鴿性甚靈慧能致書於千里之外

遶齋間覽

去年柳絮飛時節記得金籠放雪衣

東坡

雉

經射雉一矢亡

離為雉

易

高宗祭成湯有飛雉升鼎

耳而雉

書序

雄雉于飛泄泄其羽下上其音

有鳴雉鳴

雉鳴求其牡 如翬斯飛 雉之朝雊尚求其雌詩士

執雉禮周雉曰䟽趾 孟冬雉入大水為蜃禮記月令 季冬雉

雊禮記同上 余子長矣能奉雉而從余矣 五雉為五工正

傳左山梁雌雉時哉時哉論語

子澤雉十步一飲百步一啄不期蓄乎樊中莊子

史鴻嘉二年有飛雉集於殿庭歷階升堂而雊漢書魯恭

馴雉見知縣類管輅至王弘直語有雄雉飛來直令輅作卦

輅曰五月必遷至期果為渤海太守魏志武庫封閉甚密

其中忽聞雉張華曰此必蛇化也開視之有蛇蛻焉

書

傳記鷓鴣諸雉

命雉

雖雉

青質玉色

鷓鴣雉

長尾走耳鳴

鳴雉

闕

雉

似山雉而小冠

秩秩海雉

外雉而墨

鷓鴣山雉

尾長

翰雉

鷓鴣雉

鷓鴣雉

今白

翰江

亦名白雉爾雅

周成王時

越裳獻白雉

孝經援神契

孫休

好射雉羣臣諫荅曰雖為小物耿介過人朕之所以好

也

語林

集聿采毛之英麗兮有五色之名翬厲耿介之專心兮

侈雄艷之嬌姿 鷲綺翼而頰搗灼綉頸而袞背 摘

朱冠之赭赫敷藻翰之陪颺 伊義鳥之應敵

潘岳雉之

飛于朝日羣雌孤雄意氣橫出當東而西當啄而飛隨

飛隨啄羣雌粥粥

韓文雉朝飛操

原頭火燒靜兀兀野雉畏鷹

出復沒將軍欲以巧伏人盤馬彎弓惜不發地形漸窄

觀者多雉驚弓滿勁箭加衝人決起百餘尺紅翎白鏃

隨傾斜將軍顧笑軍吏賀五色披離馬前墮

雉帶箭

麥隴

青青二月時白雉朝飛挾兩雌錦衣綺翼何離縱牧犢

採薪感之悲 寧向草中耿介死不求黃金籠下生

李白

繡羽穿花他自得 山雉迎舟楫

杜詩

本朝朝日飛雉雛東舉新雨餘

六一集

雄雉曳脩尾驚飛

向日斜空中紛格鬬綵羽落如花

東坡

杜鵑

傳記杜鵑一名鶯周甌越間曰怨鳥

爾雅注

杜宇亦曰杜

王自天而降稱蜀帝死化為鳥名曰杜鵑亦曰子規

成都

記鵲鵒即杜鵑也 姊歸子規別名也

博物志

江介曰子

規啼苦則懸於樹自呼曰謝豹

張華注

杜鵑先鳴者吐血

死嘗有人行山中見一羣寂然聊學其聲即死

雜俎

石誼

未娶聞杜鵑聲嘆曰此物催人使歸使我何所歸邪

金臺

錄

集我見常再拜重是古帝魂生子百鳥巢百鳥不敢嗔
仍為餒其子有若奉至尊萬事反覆何所無豈憶當

殿羣臣趨

杜詩

豈思昔日居深宮嬪妃左右如花紅

司空曙

蜀魄千年尚怨誰

羅鄴

催歸日未西

韓集

本朝康節行洛陽天津橋聞杜宇聲嘆曰不及十年其
有江南人以文字亂天下者乎聞見錄夜入翠烟啼盡尋
芳樹飛春山無限好猶道不如歸范文正

鴛鴦

經鴛鴦于飛畢之羅之 鴛鴦在梁戢其左翼詩

史文帝問占夢周宣曰吾夢殿屋兩瓦墮化為雙鴛鴦
此何為也對曰後宮當有暴死者上曰吾詐卿耳宣曰
夫夢意也苟以形言便占吉凶言未卒黃門令奏宮人

相殺

魏志

傳記鴛鴦雌雄未嘗相離人得其一則一者相思死故

謂之匹鳥

古今注

大夫韓憑

一作朋

其妻美宋康王奪之憑

遂自殺妻與王共登臺自投臺下遺書於帶曰願以屍

還韓氏而葬王怒令埋之二塚相對經宿忽有梓木生

二塚上根下交枝上連其上有鳥如鴛鴦雌雄常棲其

樹

搜神記

鴛鴦交頸

變化論

集鴛鴦兮嘒嘒

楚辭

客從遠方來遺我一端綺文彩雙鴛

鶯裁為合歡被 入門時左顧但見雙鶯鶯鶯七十

二羅列自成行

詩古

願作天池雙鶯鶯一朝飛去青雲山

錦水東北流波蕩雙鶯鶯雄巢漢宮樹雌弄秦草芳

寧同萬死碎錦翼不忍雲間兩分張

李白

風鶯藏近渚

沙暖睡鶯鶯

江檻俯鶯鶯

杜詩

盡日無人看微雨鶯鶯

相對浴紅衣

杜收

雌去雄飛萬里天雲羅滿眼淚潸然不

須再結風波願鎖向金籠始兩全 鶯鶯可羨頭俱白

飛去飛來烟雨秋

李義山

俱來綠潭裏共向白雲涯音容

相眷戀羽翼兩逶迤 刷羽清江浦交頸紫山岑文章

負奇色和鳴多好音

陳子昂

雙絲絹上為新樣連理枝頭

是故園翠浪萬回同過影玉沙千處共棲痕 煙濃共

拂芭蕉雨浪細雙遊菡萏風

皮日休

本朝鴛鴦終日愛水鏡

山谷

無端一棹歸舟急驚起鴛鴦

相背飛

后山

鷓鴣

傳記鷓鴣水鳥毛有五彩色食短狐其在溪中無毒氣

臨海異物志

河南府伊闕縣前大溪有一雙鸕鶿見則僚佐

有入臺者

詳見監察御史類

集一雙鸕鶿對沉浮

鸕鶿雙雙舞

故使籠寬織須

知動損毛看雲莫悵望失水甚呼號六翮曾經剪孤飛

卒未高且無鷹隼慮留滯莫辭勞

杜詩

鷗

子海上之人有好鷗鳥者每旦之海上從鷗鳥遊鷗鳥之至者數百往而不止其父曰吾聞鷗鳥皆從汝遊汝

取來吾玩之明日之海上鷗鳥舞而不下也

列子

傳記鷺鷥也生藕葉上

名水鵝

倉頡解詁

江鷗一名海鷗

在漲海中隨潮上下頗知風雲若雙飛至岸必風漁人

及渡海者皆以此為候

南越志

鷗之別類雙鳴喈喈隨潮

往來謂之信鷗

海物志

咸和二年饗萬國有五鷗集太極

殿前

晉起居注

中興徵祥說曰殿非鷗所處鷗湖澤鳥也時蘇峻作亂宮室被焚

集搖曳雙白鷗鳴飛滄江流宜與海人狎豈伊雲鶴儔

寄影依沙月沿芳戲春洲吾亦洗心者忘機從爾遊

海客無心隨白鷗 閒適白鷗去沙上自為羣

李白清暉

為羣鷗 泛渚白鷗輕 江渚翻鷗戲 狎鷗輕白浪

白鷗元水宿 飄飄何所似天地一沙鷗 春鷗洗

翅呼 野靜白鷗來 輕搖逐浪鷗 江浦寒鷗戲

却思翻玉羽隨意點春苗

杜詩

出門鷗鳥更相親

柳集

本朝夕陽洲渚遠惟見白鷗翻

歐陽公

險夷一節如金石

勲德俱高映古今豈止忘機鷗鳥信陶鈞萬物本無心

前人題韓魏公狎鷗亭 江南野水碧於天中有白鷗閒似我 鳴

鷗本意願秋江 唯有白鷗盟未寒

山谷

江鷗好羽毛玉

雪無塵垢滅沒波浪間生涯亦何有

王介甫

解記清波沒

白鷗 白鷗沒沒輕春水 浩蕩滄溟沒白鷗

后山

鷗

經值其鷗羽值其鷗翻 振鷗于飛于彼西雖 振振

鷗鷗于下

詩

史張融年弱冠道士陸脩靜以白鷗羽扇遺之曰此異

物奉異人

南史

傳記鷺春鋤

爾雅

鷺一名春鋤步於淺水好自低昂故曰春鋤亦謂之獨春

一名屬

玉似鵓鵲

三輔黃圖

鷺水鳥好白而潔故謂之白鳥楚成王

時有朱鷺合沓飛舞則復有赤色舊鼓吹曲有朱鷺是

也

詩義疏

有皎者駘翩翩其飛

穆天子傳

吳王夫差時有雙鷺

飛出鼓中而去

古今樂錄

巴東有道士入屋燒香忽風雨至

家人見一白鷺從屋中飛出雨止遂失道士所在

幽冥錄

集白鷺亦白非純貞外潔其色心匪仁闕五德無司晨

胡為啄我葭下之紫鱗

白鷺聞時散飛去又如雪點

青山雲 白鷺拳一足月明秋水寒 白鷺下秋水孤

飛如墜霜

李白

宿鷺起圓沙 鷺浴自晴川 不須鷺白

鷺為伴宿青溪

一行白鷺上青天

杜詩

白鷺兒最高潔

毛衣新成雪力不敵衆禽喧呼獨凝寂孤眠芊芊草久

立潺潺石前山正無雲飛去入遙碧

劉夢得

霜衣雪髮青

玉嘴羣捕魚兒溪影中驚起遠映碧山去一樹梨花落

晚風

杜牧

閒立春塘烟澹澹靜眠寒葦雨颼颼

鄭谷

不要向

人誇潔白也知還有羨魚心

羅隱

本朝風格孤高塵外物性情閒澹水邊身盡日獨行溪
淺處青苔白石見纖鱗泛泛風波鳥雙雙弄紋羽愛

之欲移舟漸近還飛去

六一集

貪看白鷺橫秋浦何當

禁畢弋者引雪衣兒

東坡

白鷺不禁塵土浣稻畦下白

鷺

山谷

翹沙依折葦刷羽對衰荷浦思懸秋碧江情憶釣

簑

梅聖俞

鷓鴣

史倭國水多陸少以小環挂鷓鴣項令入水捕魚以充

食

隋書

貞元十三年時雨未降上幸興慶宮龍堂祈禱忽

有白鷓鴣沉浮水際俄然莫知所往果大雨

唐書

傳記鷓鴣

爾雅

鷓鴣不生卵而孕雛於池澤間又鷓鴣生

多者八九少者五六相連而出若系緒

異物志

鷓鴣口吐

其雛

廣韻

嘗官於澧州公宇後有大木一株其上有鷓鴣

十四窠日夕觀之既能交合兼有卵殼布地其色碧豈

得雛吐口中是全未考尋可見常日聽人之誤言也

本草

義衍

集鷗鷺西日照曬翅滿漁梁
鷗鷺窺淺井
門外鷗

鷺久不來沙頭忽見眠相猜自今已後知人意一日須

來一百迴

杜詩

一般毛羽結羣飛兩岸烟汀好景時深水
有魚銜得出看來却是鷺鷥飢

杜荀鶴

本朝鷗鷺密伺魚蝦便

山谷

鳬

經弋鳬與鴈
鳬鷺在涇
鳬鷺在沙
鳬鷺在渚
鳬鷺在

淙
鳬鷺在疊

詩

子鳧雖脰短續之則憂

莊子

史王喬雙鳧

見知縣類

人有得鳧鳥毛長二丈以示張華華

曰此謂海鳧毛也出則天下亂

晉書

賀勝從太祖宴於昆

明池時有雙鳧遊於池上太祖乃援弓矢授勝曰不見

公射久矣請以為觀勝射之一發俱中

後周書

傳記驚野鳧也

說文

鳧翁濯顏注雲鳧水鳥翁頸上有毛

急就章

闔閭塚中有玉鳧

塚墓記

石首魚至秋化為冠鳧頭

中有石

吳錄地理記

化蒙縣祠山上有池池中有松鳧

南越志

鳬舞鼓翼嘉樂堯德

焦贛
易林

集將汜汜若水中之鳬與波上下偷以全吾軀乎

楚辭

綠葩以耀首綴素毛以點纓

蔡淑闕
鳬賦

二鳬俱北飛一鳬

獨南翔

李陵贈
蘇武詩

晨鳬失羣不足以喻疾

蘇武與
李陵詩

雙鳬飛

不為加少

楊雄
解嘲

天晴喜浴鳬

沙上鳬雛傍母眠 鳬

驚散亂棹謳發

早鳬江檻底

杜詩

浴鳬翻雪羽

杜牧

江心

咄咄鳬雛鳴

張籍

鴨

經庶人之摯匹

舒鳬翠

記

公膳日雙鷄饗人竊更之

以鷺

左傳

史建昌侯孫慮於堂前作鬪鴨欄

吳志

齊王祐太宗第五

子好養鴨忽有野鴨入籠中咬四十餘鴨皆斷其頭及

敗同惡而誅者四十四人

唐書

傳記舒鳬鷺也

爾雅

鳬鷺鴨也

廣雅

海鴨大如常鴨斑白文

亦謂之交鳥

金樓子

素嬰之鴨

太元

水戰之鴨何必白嬰

蔡氏

化清

武帝昇望月臺南端有三青鴨飛下俄而化為三

小童皆着青綺文襦各執鯨文大錢五枚置帝几前

玄都翠水水中有鴨丹毛而輕每止芙蓉上食朝露號

升渠鴨

洞冥記

司馬文王徵還至京師帝與左右小臣謀

因文王辭劒之文王入帝方食栗優人雲午等唱曰青

頭鷄青頭鷄者鴨也帝懼不敢發景王因是謀廢帝

魏氏

春秋魏文帝遣使求鬪鴨孫權曰彼在諒陰之中所求若

此豈可與言禮哉

江表傳

周訪與商人共入宮亭廟宿明

起如廁見一白頭翁逐之化為雄鴨還船欲煮之商人

爭看遂飛去

潯陽記

李遠嗜綠頭鴨

語林

浮光多美鴨樊千

里買百隻置後池載數車浮萍入池使為鴨作茵褥

雲林

異景志

集唼喋爭食襍裊帶雛

李邕賦

花鴨無泥滓堦前每緩行

羽毛知獨立黑白太分明

杜詩

戀池羣鴨回

韓集

野鷺行看

弋闕鴨向春池

張籍集

本朝襍裊出短蒲毳毳浴清水物忌太鮮明何妨染泥

滓

司馬公

却因養得能言鴨驚破王孫金彈丸

東坡

鵝

經舒鴈翠

記

子陳仲子有饋其兄生鵝者已頻頗曰惡用是鰥鰥者

為哉

孟子

史景帝有疾使巫視鬼欲試之乃殺一鵝埋於苑中著

以婦人服物乃使巫視之巫曰實不見有鬼但見一頭

白鵝在墓上景帝乃厚賜之

吳志

劉毅酷貧時庾悅為司

徒厨饌甚盛毅曰今年未得食鵝豈能以殘炙見惠悅

不答及毅貴深相挫辱悅疽發背而死王羲之性愛

鵝會稽孤居姥養一鵝善鳴遂攜親友觀姥聞羲之將

至烹以待之羲之歎惜彌日又山陰有道士好養鵝羲

之固求市之道士云為寫道德經當舉羣相贈羲之欣

然寫畢籠鵝而歸

晉書

胡蕃為高祖從事征廣固累月未

拔忽有鳥如鵝蒼黑色飛入高祖帳裏蕃起賀曰蒼黑

色者戎虜戎虜歸我大吉之祥也明旦攻城陷之

宋書

李愬襲蔡州兵至懸孤城夜半雪甚城傍有鵝鴨池愬令

驚擊之以雜其聲 僖宗數幸六王宅興慶池與諸王

鬪鵝

唐書

傳記鵝鸚

今之野鵝

舒鴈鵝

爾雅

鴛鴦野鵝也

廣雅

桓南仲小兒

時與諸從兄弟各養鵝共鬪南仲鵝每不如乃夜取兄

弟鵝悉殺之

世說

傳承為江夏守有一隻鵝失之三年忽

引導得三十餘頭來

異苑

集房相西池鵝一羣眠沙泛浦白於雲鳳凰池上應回

首為報籠鵝王右軍

鵝兒黃似酒對酒愛新鵝引頸

嗔船過隨行亂眼多翅開遭宿雨力少困滄波 鵝費

羲之墨

杜詩

眠沙卧水白成羣曲岸斜堤極浦雲

李義山

本朝鵝能警盜亦能却蛇有二能而不免死又有折羽之厄悲夫

仇池筆記

駕鵝引頸回似我胷中字右軍數能來

不為口腹事 學書池上一雙鵝宛頸相追筆意多

箭羽不霑春水籀文時印平沙想見山陰書罷舉羣驅

向王家

山谷

鷄 關鷄附

經異為鷄

易

雞棲于埘鷄棲于桀

風雨淒淒鷄鳴喈

喈風雨蕭蕭鷄鳴膠膠風雨如晦鷄鳴不已

詩

工商執

鷄

人掌夜呼旦以詔百官

周禮

鷄曰翰音 季冬鷄

始乳

禮

公膳日雙鷄

賓孟適郊見雄鷄自斷其尾問

之侍者曰自憚其犧也

季郈之鷄鬪季氏介其鷄郈

氏為之金距

左傳

子紀消子為周宣王養鬪鷄十日而問鷄可鬪乎曰未

也方虛驕而恃氣十日又問曰未也猶疾視而盛氣十

日又問曰幾矣鷄雖有鳴者已無變矣望之似木鷄矣

其德全矣異鷄無敢應者反走矣

子列

見卵而求時夜

浸假而化予之左臂以為鷄余因以求時夜越鷄不

能伏鵠卵魯鷄固能矣

子莊

戰如鬪鷄勝者先鳴

子尸

使鷄

司夜皆用其能

子韓

鷄有專棲之雄

子抱

朴

史子路好勇冠雄鷄孟嘗君自秦亡歸夜半至函谷

關關法鷄鳴而出客孟嘗君客之居下坐者有能為鷄

鳴羣雞盡鳴遂發傳出

史記

王奉先好鬪鷄宣帝微時數

與奉先會後即位以其女為皇后

漢書

樂羊子妻嘗有他

舍鷄誤入垣內姑盜殺食之妻對不食而泣

後漢書

馬韓

國出細米鷄其尾皆五尺餘

魏志

諸葛瑾云失旦之鷄復

思一鳴

吳志

劉琨聞鷄鳴而起舞

元興中衡陽有雌鷄

化為雄八十日而冠綏桓玄自篡至敗凡八旬矣

晉書

琰為山陰令二野父爭鷄琰問鷄何食一云粟一云豆

琰破鷄得粟罪言豆者

南史

劉武周父匡嘗與其妻趙氏

坐忽見一物狀如雄鷄流光燭地飛入趙懷因而有娠

遂生武周為人驍勇善騎射

唐書

傳記玉衡星散為鷄

春秋運斗樞

鷄為積陽南方之象

春秋說題

辭鷄大者蜀蜀子頴未成鷄曰健絕有力奮鷄三尺為

鷄棲於杙為桀鑿垣而棲為埒

爾雅

鷄一名燭夜一名司

晨

子穀

戴冠即鷄也

異聞集

夫諸侯之不可一猶連鷄之

不能俱止於栖也

戰國策

平頭戴冠者文也足搏距者武

也敵在前敢鬪者勇也見食相呼者仁也守夜不失時

者信也

韓詩外傳

呼鷄朱朱俗說鷄本朱公化而為之謹按

說文解詁謂二口為謹州其聲也讀若祝祝者誘致禽

畜和順之意謂與朱音相近耳

風俗通

成帝時交趾越雋

獻長鳴鷄即下漏驗之晷刻無差長趾善鬪

西京雜記魏王

發令云鷄肋楊脩曰夫鷄肋棄之則可惜噉之無所得

九州春秋

南郡獻長鳴承露鷄

江表傳

丁零反殷浩令江追伐

之乃取數百鷄以長繩連之脚皆繫火羣鷄駭散敵營

皆燃因其驚亂縱兵擊之

晉中興書

宋處宗嘗買得一長鳴

鷄著窓間鷄遂作人語與宗談論極其理致

幽冥錄

有鷄

夜鳴隨鼓節一更為一聲號五時鷄

洞冥記

張生為博士

畜一鷄呼為勃公子

御史臺記

李林甫精神剛戾常如索鬪

鷄

開元天寶遺事

集異羽化于宣宮兮攝五辟而為災 迅風陵雨不謬

晨禽之察

文選

高膺峭峙雙翅齊平躍身聳體怒勢橫生

爪似鍊銅目如奔星爪或躑躅踟躕或囁喋容與或爬

地俯仰或撫翼木舉或狼顧雄視或翱翔鵠舉或佯背

而引敵或畢命於強禦

傳

黃鷄啄黍秋正肥

狸膏金

距學鬪鷄坐令鼻息吹虹霓

李

鷄鳴紫陌曙光寒

紀

德名標五初鳴度必三

小

奴縛鷄向市賣鷄被縛急

相喧爭家中厭鷄食蟲蟻不知鷄賣還遭烹蟲鷄於人

何厚薄吾叱奴兒解其縛雞蟲得失無了時注目寒汀

倚江閣

杜詩

高行若矜豪側睨如同殆精光目相射劍戟

心獨在既取冠為胄復以距為鍛一噴一醒然再接

再礪乃頭垂碎丹砂翼搨拖錦彩英心甘鬪死義肉恥

庖宰

韓關鷄聯句

魯鷄之不期蜀鷄之不交

韓文守戒

本朝側行初取勢俯啄示無憚先鳴氣益振奮擊心非

恆踴頸毛振張怒目背裂汗

梅聖俞
觀鬪鷄

斷尾雄鷄本畏烹

年來聽法伴脩行還須却置蓮花漏老怯風霜恐不鳴

東坡夜語鷄喚晨

連牆夜雨鷄戒曉

崢嶸已介季氏

甲更以黃金節兩戈雖有英心甘鬪死其如紀消木鷄

何

山谷

意氣武毅被服鮮明我我朱冠丹頸玄膺蒼距矯

攫秀尾翹騰

宛丘

固知鷄口羞牛後不待鳴羣已可驚

后山

記纂淵海卷九十七